

106


CHINESE - JAPANESE COLLECTION  
HARVARD COLLEGE LIBRARY  
DEPOSITED BY  
HARVARD - YENCHING INSTITUTE

JUN 6 1936

T 110.7111.41E

十三經註疏

春秋十



春秋左傳註疏卷第十九上

晉杜氏註

唐孔穎達疏

經五年春王正月王使榮叔歸舍且相

口實車馬曰相

車且相曰正我曰公羊傳曰其首歸舍且相

者且曰護也

日而與舍代有

非責王也春秋之世

不合文

春秋左傳註疏卷第十九上

文五年 盡十年

晉杜氏註

唐孔穎達疏

經五年春王正月王使榮叔歸含且贈

**禮**珠玉曰含含

口實車馬曰贈

○舍本亦作哈戶暗反說文作

**禮**王

至且贈○正義曰公羊傳曰其言歸含且贈何兼之

兼之非禮也賈服云舍贈當異人今一人兼兩使故

書且以譏之案禮雜記諸侯相弔之禮含禭贈臨同

日而畢與介代有事焉不言遣異使也諸侯相於則

唯遣一使而責天子於諸侯必當異人禮何所出而

非責王也春秋之世風教陵遲吉凶賀弔罕能如禮

王之崩葬魯多不行魯之有喪寧能盡至全無所譏

不含又無貶責既含且贈便責兼之不可是禮備不

哈佛大學漢和圖書館珍藏印

春秋左傳

卷第十九上

及古

如不備行禮不如不行豈有如此之理哉左傳舉來  
合且賙會葬二事乃云禮也則二事俱是得禮無譏  
兼之之意也言且者見有二禮而已宰啗言來歸此  
以早而含以晚其意以為含者所以實口當及未殯  
而至以其至晚故不言來以責王也按雜記含者執  
璧將命坐委于殯東南有葦席既葬蒲席然則含祔  
者所以助喪盡恩示其有禮而已既葬猶尚致之不  
必以濟其用天子之與鄰國莫不道路長遠赴者猶  
尚不至責其未殯而來此是理之不通也且來者自  
外之文非是衰貶之意九年秦人來歸僖公成風之  
祔祔衣是斂之所用彼最晚矣何以復言來乎言來  
與不言來史異文耳宰啗秦人歸之既晚故舉其所  
為之人此夫人新薨言歸含賙為夫人可知故不言  
歸夫人含賙也何休膏肓以為禮尊不含卑又不兼  
二禮左氏以為禮於義為短鄭康成箴云禮天子於  
二王後之喪含為先祔次之賙次之賙次之於諸侯  
含之賙之小君亦如之於諸侯臣祔之諸侯相於如

天子於二王後於卿大夫如天子於諸侯於士如天  
子於諸侯臣何休云尊不含卑是違禮非經意其一  
人兼歸二禮亦是為譏如康成言尊不含卑禮無其  
事康成以為譏一人兼二事者非左氏意也○**珠**  
玉至曰賙○正義曰周禮王府大喪共含玉穀梁傳  
曰貝玉曰含士喪禮含用米貝莊子說發冢之事云  
徐徐破其頰無傷口中珠是含有用珠者也故云珠  
玉曰含何休云天子以珠周禮大喪共玉不共珠也  
莊子所言發冢未必發天子冢也雜記云諸侯相含  
以璧未知何人用珠耳公羊傳曰含者何口實也孝  
子不忍虛其親之口故以米貝珠玉實之謂之飯含  
檀弓曰飯用米貝弗忍虛也不以食道用美焉爾士  
喪禮用生稻米是不以食  
道也車馬曰賙公羊傳文

三月辛亥葬我小君成風

**無傳反哭成喪故曰葬我**

小君王使召伯來會葬

**召伯天子卿也召采地伯**

爵也來不及葬不譏者不失五月之內○召上照反

夏公孫敖如晉無傳

秦人入都入例在十五年音若都

秋楚人滅六六國今廬江六縣居反廬力

冬十月甲申許男業卒無傳與僖公六同盟

六同盟○正義曰業以僖五年即位其年盟于首止八年于洮九年于葵丘十五年于牡丘二十一年于薄二十七年于宋魯許俱在是六同盟也

傳五年春王使榮叔來舍且贈召昭公來會葬禮也

成風莊公之妾天子以夫人禮贈之明母以子貴

故曰禮禮結之則舍贈會葬皆得禮也釋例稱贈

賻祿含總謂之贈言以夫人禮贈之指為贈舍也○初都叛楚即秦又貳於

楚夏秦人入都○六人叛楚即東夷秋楚成大心仲

歸帥師滅六仲歸子家○冬楚子燮滅蓼蓼國

今安豐蓼縣○燮息例反蓼音了字或作鄆音同滅文仲聞六與蓼滅

曰臯陶庭堅不祀忽諸德之不建民之無援哀哉

蓼與六皆臯陶後也傷二國之君不能建德結援大

國忽然而亡音陶○晉陽處父聘于衛反過甯甯嬴

從之甯音盈

**甯**甯晉至大夫。正義曰：晉語說此事云：舍於逆旅，甯嬴氏註國語者賈逵孔晁皆以甯嬴為掌逆旅之大夫，故杜亦同之。劉炫以甯嬴直是逆旅之主，非大夫，今刪定知不然者，若是逆旅之主，則身為匹庶，是卑賤之人，猶如重館人告文仲、重丘人罵孫蒯，止應稱人而已，何得名氏？見傳杜以傳載名氏，故為逆旅大夫。劉炫以為客舍主人而規杜氏非也。

**及溫而還其妻問之嬴曰以剛**

**商書曰沈漸剛克高明柔克** **沈**沈漸猶滯溺也。高明猶亢爽也。言各當以剛柔勝已本性，乃能成全也。此

在洪範今謂之周書。漸似廉反，註沈滯溺也。一本作帶弱亢苦洩反。漸至

周書。正義曰：此傳引周書是洪範之三德也。彼說人之三德，乃以此言覆之。孔安國以此二句為天地之德，故註云：沈漸謂地，雖柔亦有剛能出金石，高明謂天，言天為剛德，亦有柔克不于四時。杜以傳證人

性即以人事解之。沈漸謂人性之沈滯懦弱也。高明謂人性之高亢明爽也。滯溺者當以剛勝其本性，亢爽者當以柔勝其本性，必自屈矯已乃能成全。不然則沈漸失於弱，高明失於剛，不能保其身也。此文在洪範今謂之周書箕子商。夫子壹之其不没乎。陽

子性純剛，天為剛德，猶不干時。寒暑相順，況在人

乎且華而不實，怨之所聚也。言過其行，犯

而聚怨，不可以定身。剛則犯人，余懼不獲其利而

離其難，是以去之。為六年晉殺處父傳。難乃晉

趙成子欒貞子霍伯曰季皆卒。成子趙衰新上軍

帥中軍佐也。貞子欒枝下軍帥也。霍伯先且居中軍

帥也曰季胥臣下軍佐也為六年蒐於夷傳○帥所類反下

同蒐所○成子至夷傳○正義曰城濮之戰先軫求反

○卻溱將中軍狐毛狐偃將上軍欒枝胥臣將下軍晉語云狐毛卒先且居將上軍清原之蒐三

軍如故趙衰箕鄭將新上軍胥嬰先都將新下軍箕之役先軫死先且居將中軍不知誰代且居將上軍

也此言趙衰新上軍帥中軍佐并舉二官二年彭衙之役云先且居將中軍趙衰佐之註云

代卻溱是趙衰新上軍帥中軍佐也

經六年春葬許僖公○無傳

夏季孫行父如陳○行父季孫友子秋季孫行父如晉

八月乙亥晉侯驩卒○再同盟○驩喚再同盟○官反正義曰二年

及晉處父盟三年公及晉侯盟是再同盟也

冬十月公子遂如晉葬晉襄公○卿共葬事文襄之制

也三月而葬速○共音恭三十年傳曰先王之制諸侯

之喪士弔大夫送葬昭三年傳曰昔文襄之霸也其務不煩諸侯君薨大夫弔卿共葬事是也

晉殺其大夫陽處父○處父侵官宜為國討故不言賈

季殺晉狐射姑出奔狄○射姑狐偃子賈季也奔例

在宣十年○射音亦一音夜

閏月不告月猶朝于廟○諸侯每月必告朔聽政因朝

宗廟文公以閏非常月故闕不告朔怠慢政事雖朝于廟則如勿朝故曰猶猶者可止之辭○不告月月或作朔誤也

不告朔本禮記諸侯至之辭○正義曰周禮太史頒  
或作告月禮記告朔于邦國鄭玄云天子頒朔于諸侯  
諸侯藏之祖廟至朔朝于廟告而受行之論語云子  
貢欲去告朔之犧羊是用特羊告於廟謂之告朔人  
君即以此日聽視此朔之政謂之視朔十六年公四  
不視朔僖五年傳曰公既視朔是也視朔者聽治此  
月之政亦謂之聽朔玉藻云天子聽朔於南門之外  
是也其日又以禮祭於宗廟謂之朝廟周禮謂之朝  
享司尊彝云追享朝享是也其歲首為之則為之朝  
正襄二十九年正月公在楚傳曰釋不朝正于廟是  
也告朔視朔聽朔朝廟朝享朝正二禮各有三名同  
日而為之也文公以閏非常月故闕不告朔告朔之  
禮大朝廟之禮小文公怠慢政事既不告朔雖朝于  
廟則如勿朝故書猶朝于廟言猶以譏之必於月朔  
為此告朔聽朔之禮者釋例曰八君者設官分職以  
為民極遠細事以全委任之責從諸下以盡知力之  
用總成敗以效能否執八柄以明誅賞故自非機事  
皆委心焉誠信足以相感事實盡而不擁故受位居

職者思效忠善日夜自進而無所顧忌也天下之細  
事無數一日二日萬端人君之明有所不照人君之  
力有所不堪則不得不借問近習有時而用之如此  
則六卿六遂之長雖躬履此事躬造此官當皆移聽  
於內官迴心於左右政之批亂恒必由此聖人知其  
不可故簡其節敬其事因月朔朝遷坐正位會羣吏  
而聽大政考其所行而決其煩疑非徒議將然也乃  
所以考已然又惡其密聽之亂公也故顯眾以斷之  
是以上下交泰官人以理萬民以察天下以治也文  
公謂閏非常月緣以闕禮傳因所闕而明言典制雖  
朝于廟則如勿朝故經稱猶朝于廟也經稱告月傳  
言告朔明告月必以朔也每月之朔必朝於廟因聽  
政事事敬而禮成故告以特羊然則朝廟朝正告朔  
視朔皆同日之事所從言之異耳是言聽朔朝廟之  
義也玉藻說天子之禮云聽朔於南門之外諸侯皮  
弁聽朔於太廟鄭玄以為明堂在國之陽南門之外  
謂明堂也諸侯告朔以特羊則天子以特牛與天子  
用特牛告其帝及其神配以文王武王諸侯用特羊



告太祖而已杜以明堂與祖廟為一但明堂是祭天之處天子告朔雖杜之義亦應告人帝朝享即月祭是也祭法云王立七廟曰考廟王考廟皇考廟顯考廟祖考廟皆月祭之二祧享嘗乃止諸侯立五廟曰考廟王考廟皇考廟皆月祭之顯考廟祖考廟享嘗乃止然則天子告朔於明堂朝享於五廟諸侯告朔於太廟朝享自皇考以下三廟耳皆先告朔後朝廟朝廟小於告朔文公廢其大而行其小故云猶朝于廟公羊傳曰猶者可止之辭也天子玄冕以視朔皮弁以日視朝諸侯皮弁以聽朔朝服以月視朝其閏月則聽朔於明堂闔門左扉立於其中聽政於路寢門終月故於文王在門為閏

傳六年春晉蒐于夷舍二軍 僖三十一年晉蒐清

原作五軍今舍二軍復三軍之制夷晉地前年四卿

卒故蒐以謀軍帥 舍音捨註同 僖三至軍帥 帥所類反下同 正義曰清原

之蒐五軍十卿有先軫卻縠溱先且居狐偃欒枝胥臣趙衰箕鄭胥嬰先都箕之役先軫死往歲趙衰欒枝先且居胥臣卒八年傳說此蒐之事云晉侯將登鄭父先都則卻縠狐偃胥嬰亦先卒矣清原十卿唯有箕鄭先都在耳故蒐以謀軍帥服虔云使射姑代先且居趙盾代趙衰也箕鄭將上軍林父佐也先蔑將下軍先都佐也改蒐于董趙盾將使狐射姑將中軍射姑奔狄先克代佐中軍

代先且居 趙盾佐之 代趙衰也盾趙衰

子 陽處父至自溫 往年聘衛過溫今始至

改蒐于董易中軍 易以趙盾為帥射姑佐

之河東汾陰縣有董亭陽子成季之屬也 處父嘗

為趙盾屬大夫 處父至大夫 正義曰僖三十

年處父已專帥侵蔡則處父之屬成子未有多年故  
蓋情素相親而黨於趙氏耳非專以嘗為其屬也

黨於趙氏且謂趙盾能曰使能國之利也是以上之

宣子於是乎始為國政宣趙盾諡制事典典常

也正法罪輕重當浪反當丁辟刑獄辟猶理也辟

婢亦反後同董通逃董督也吾反由質要由

用也質要券契也治舊沔治理沔穢又作汙同

本秩禮貴賤不失其本續常職修廢官出滯淹

諸晉國以為常法賈佗以公族從文公而不在五

人之數大音泰下同佗宣子至常法正義曰

使有常也正法罪者準所犯輕重豫為之法使在後

治之也董通逃者舊有通逃負罪播越者督察追捕

之也由質要者謂斷爭財之獄用券契正定之也治

者時有僭踰貴賤相濫本其次秩使如舊也續常職

者職有廢闕任賢使能令續故常也出滯淹者賢能

之人沈滯田里拔出而官爵之也此謂所為制作法

式者豫為將來使案而遵行臨時決斷者將為故事

理也正義曰辟訓為法依法斷決是理治之也此

與上句所以為異者正法罪謂準狀制罪為將來之

法若今之造律令也辟獄刑謂有獄未決斷當時之

罪若昭十四年韓宣子命斷舊獄之類是也董

督也正義曰釋詁云董督正也俱訓為正是董得

為督謂督察之也由用也質要券契正義曰

周禮小宰以官府之八成經邦治四曰聽稱責以傅別六曰聽取予以書契七曰聽賣買以質劑鄭眾云稱責謂貸予也傅別謂券書也聽訟責者以券書決之傅傳著約束於文書也別別為兩兩家各得一也鄭玄云傅別謂為大手書於一札中字別之書契謂出子受人之凡要也質劑謂兩書一札同而別之長曰質短曰劑傅別質劑皆今之券書也事異其名耳如彼禮文知質要是契券也○**治**理沔穢○正義曰沔者穢之別名不潔之稱也法有不便於民事有不利於國是為政之沔穢也治理改正使潔清也○**賈**佗至之數○正義曰晉語宋公孫固云晉公子長事賈佗又曰賈佗公族也而多識以共敬公子居則下之動則咨焉是以公族從文公也尚書周官大命士會將中軍且為大傅則大傅尊於中軍之將與大師皆為孤卿也周禮上公之國有孤一人王制諸侯三卿晉侯爵也而有三軍六卿復有孤一人者晉為霸主多置羣官共時所須不能如禮孤尊於卿法

由在上故宣子法○**臧**文仲以陳衛之睦也欲求好

於陳夏季文子聘于陳且娶焉○**臣**非君命不越竟

故因聘而自為娶○**秦**伯任好

**卒**任好秦穆公名○**以**子車氏之三子奄息仲

行鍼虎為殉○**子**車秦大夫氏也以人從葬為殉車

音居仲本亦作中音仲行戶郎反鍼其廉反殉似俊反殺人從死曰殉字林弋絹反**皆**秦之良

也國人哀之為之賦黃鳥○**黃**鳥詩秦風義取黃鳥

止于棘桑往來得其所傷三良不然○**為**于偽反下

作善言同**君子**曰秦穆之不為盟主也宜哉死而棄民先

王違世猶詒之法而況奪之善人乎詩曰人之云亡

邦國殄瘁詩大雅言善人亡則國瘁病反瘁似醉

反無善人之謂若之何奪之古之王者知命之不老

**國**古之至不長。正義曰知命之不老知其必將有

死不得長生久視故制法度以遺後人非獨為當

已之世設善法也竝建聖哲以下即位便為之非臨

死始為此也下云眾隸賴之而後即命言其施行此

事功成乃就死耳非**是以竝建聖哲**建立聖知以

謂設此法以擬死也**司牧民**王如字一音于

為諸侯或置之羣官聖哲**樹之風聲**因土地風俗

是人之雋者故總言之耳**為立聲教之法**因土至之法。正義曰漢書地

不同繫水土之風氣故謂之風好惡取舍動靜無常

隨君上之情欲故謂之俗王制云廣谷大川異制民

生其間者異俗器械異制衣服異宜修其教不易其

俗齊其政不易其宜故聖王為政因其土地風俗為

立善聲教也聲教人之所立故言樹之今杜云因土

地風俗為立聲教之法如杜此言惟樹以聲而傳云

樹之風聲而風亦樹者其實風俗亦是人君教化故

孝經云移風易俗孔註尚書云立其善風揚其善聲

是**分之采物**旌旗衣服各有分制分扶問

也反註同旗至分制。正義曰采物謂采章物色旌旗衣服尊

卑不同名位高下各有品制天子所有分而與之故

云分之定四年傳稱分魯公**著之話言**話善也為

以大路大旂之類皆是也

**作善言遺戒**話善至遺戒。正義曰著

竹帛故言**為之律度**鍾律度量所以治歷明時

著之也

著之也

著之也

著之也

著之也

著之也

著之也

著之也

著之也

著之也

著之也

著之也

著之也

著之也

著之也

著之也

著之也

著之也

音也。鍾律至明時。正義曰。周語云。先王之制。鍾也。律度量衡。於是乎生。小大器用。於是乎出。又曰。古之神瞽考中聲而量之。以制度律。均鍾百官軌儀。其意言度律之聲。以為鍾之均。於鍾律取法為度量衡也。故漢書律歷志云。推歷生律。莫不用焉。度量衡皆出於黃鍾之律也。度者分寸尺丈引。所以度長短也。本起於黃鍾之長。以子穀秬黍之中者一黍之廣度之。九十分黃鍾之長。一為一分。十分為寸。十寸為尺。十尺為丈。十丈為引。而五度審矣。量者合升斗斛。所以量多少也。本起於黃鍾之合。以子穀秬黍中者千有二百實其合。合為十。合為升。十升為斗。十斗為斛。而五量嘉矣。權者銖兩斤鈞石。所以稱輕重也。本起黃鍾之重。一合容千二百黍。重十二銖兩之為兩。十六兩為斤。三十斤為鈞。四鈞為石。而五衡謹矣。權衡一物。衡平也。權重也。稱上謂之衡。稱鍾謂之權。所從言之異耳。其鍾者亦起於律。故服虔云。鳧氏為鍾。各自計律倍而半之。黃鍾之管長九寸。則黃鍾之鍾長二尺二寸半。餘鍾亦各自計律倍而半。

之度量衡其本俱出於律。傳言律度。註言度量。其言不及衡者。文雖不足。理實兼之。易革卦象云。君子以治歷明時。此律度量衡皆推歷為之。為此法以教天下。使之明四時也。 **陳之藝極** 藝準也。極中也。貢獻多少之法。傳曰。貢之無藝。又曰。貢

獻無極。 **中正制貢賦** 多少之法。立其準限。中正使不多不少。陳之以示民。故言陳之所引。 **引之表儀** 引道也。表儀猶威儀。 **道音** 引道至威儀。 **正義** 曰。引謂在前。故為

道也。表章儀飾。故猶威儀也。威儀禮則。工者制之。以道民言引之道之不用重文。故異之也。 **予之**

**法制告之訓典** 訓典先王之書。 **正義** 曰。訓典先王之

典。先王之書。教訓之典。取其言以語之。故言告之。 **教之**

防利防惡與利

防惡與利

使勿然故為防惡利故務生此

利故為與利傳言防利於文不足互見以曉人也此最為急故特言教之

委之常秩

委

任也常秩官司之常職

設官分職當委任責成故

道之以禮則使毋失其土宜

言委之常秩謂職掌位次故為官司之常職

眾隸賴之而後即命

以遺後嗣而又收其良以死難以在上矣君子是以

知秦之不復東征也

不能復征討東方諸侯為霸

主

遺唯季反復

之禮以行

季文子季孫行父也聞晉侯疾故

季文子將聘於晉使求遭喪

扶又反註同

○秋季文子將聘於晉使求遭喪

文至疾故

○正義曰劉炫以為聘使之法自須造遭喪之禮而行防其未然也非是聞晉侯有疾今知不然者依聘禮出使唯以幣物而行無別齎遭喪之禮若主國有凶則臨時辦備今文子聘晉特求遭喪之禮出聘之後晉侯遂卒考其情氣有異尋常聞晉侯之疾何為不可劉炫以不聞晉侯之疾而規杜氏恐非其義也

其人曰將焉用之

其人從者

○焉於虔反文

子曰備豫不虞古之善教也求而無之實難

得卒寸過求何害

所謂文子三息

○三息

○八

月乙亥晉襄公卒靈公少晉人以難故欲立長君

立少君恐有難

○少詩照反註同難乃旦反註

趙孟

弟杜祁之子好善而長先君愛之且近於秦秦舊好也置善則固事長則順立愛則孝結舊則安為難故故欲立長君有此四德者難必抒矣○好

反下皆同近附近之近**○**抒除也○正義曰字有聲相近而為訓者鬼之為

言歸也春之為言蠢也其類多矣抒聲近除故為除也服虔作舒舒緩也賈季曰不如立

公子樂○樂音岳辰嬴嬖於二君辰

嬴懷嬴也二君懷公文公也○嬖必計反立其子民必安

之趙孟曰辰嬴賤班在九人○班位也其子何震之

有○震威也且為二嬖淫也為先君子不能求大而

出在小國辟也母淫子辟無威陳小而遠無援將何

安焉杜祁以君故讓偏姑而上之○杜祁杜伯之後

祁姓也偏姑姑姓之女生襄公為世子故杜祁讓使

在已上○辟匹亦反又作辟下同祁巨之○偏姑

譜以偏為國名以狄故讓季隗而已次之故班在四

地闕不知所在**○**以季隗是文公託狄時妻故復讓之然則杜祁本

班在二○隗五罪反復扶先君是以愛其子而仕諸

秦為亞卿焉○亞次也言其賢故位尊秦大

而近足以為援母義子愛足以威民立之不亦可乎

使先蔑士會如秦逆公子雍先蔑士伯也士會隨

季也賈季亦使召公子樂于陳趙孟使殺諸郟郟

晉地支反○鄉婢支反○賈季怨陽子之易其班也本中軍

帥易以為佐帥所類反而知其無援於晉也少

族多怨九月賈季使續鞫居殺陽處父鞫居狐氏

之族書曰晉殺其大夫侵官也君已命帥處父易

之故曰侵官○冬十月襄仲如晉葬襄公○十一月

丙寅晉殺續簡伯簡伯續鞫居十一月無丙寅丙

寅十二月八日也日月必有誤賈季奔狄宣子使與

駢送其帑帑妻子也宣子以賈季中軍之佐同官

故○與羊朱反駢蒲賢帑帑妻子也○正義曰詩

毛傳以帑為子此傳無妻故杜并妻言之帑者細弱

之號妻子俱得稱之傳稱以害鳥帑鳥尾猶尚稱帑

况妻子也說文云帑金幣所藏夷之蒐賈季戮與駢

與駢之人欲盡殺賈氏以報焉與駢曰不可吾聞前

志有之曰敵惠敵怨不在後嗣忠之道也敵猶對

也若及子孫則為非對非對則為遷怒○盡津

至之道○正義曰敵惠謂有惠於彼不可望彼人之



在後是為忠  
恕之道也

夫子禮於賈季我以其寵報私怨無乃

不可乎

**言**已蒙宣子寵位介人之寵非勇也

因也

**損怨益仇非知也**

殺季家欲以除怨宣

子將復怨已是益仇

以私害公非忠也

釋此三

者何以事夫子盡具其帑與其器用財賄親帥扞之

送致諸竟

扞衛也

扞戶旦

○閏月不告朔非禮

也

經稱告月傳稱告朔明告月必以朔閏以正時

也

四時漸差則致閏以正之時以作事

順時命事

事以厚生

事不失時則年豐生民之道於是乎在

矣不告閏朔棄時政也何以為民

○為民如字治也或音于偽反

非也

經七年春公伐邾

三月甲戌取須句

須句魯之封內屬國也僖公反其

君之後邾復滅之書取易也例在襄十三年

○須句其俱反

復扶又反

遂城部

無傳因伐邾師以城部部魯邑

卞縣南有部城備邾難

○部音吾難乃且反

夏四月宋公王臣卒

二年與魯大夫盟於垂隴

○王如字

又往

年

二年至垂隴○正義曰王臣以僖二十四方反

春秋

卷十九上十五

及古閣

與文同盟言之杜註或兼取  
前世或止取時君不爲例也

宋人殺其大夫

**國**

宋人攻昭公并殺二大夫故以非罪

書

戊子晉人及秦人戰于令狐

**國**

趙盾廢嫡而外求君故

貶稱人晉諱背先蔑而夜薄秦師以戰告

○令力呈反嫡本又

作適丁歷反背音佩

晉先蔑奔秦

**國**

不言出在外奔

狄侵我西鄙

秋八月公會諸侯晉大夫盟于扈

**國**

扈鄭地滎陽卷縣

西北有扈亭不分別書會人總言諸侯晉大夫盟者

公後會而及其盟

○扈音戶卷音權又丘權反別彼列反

冬徐伐莒

**國**

不書將帥徐夷告辭略

○將子匠反帥所類反

公孫

敖如莒泣盟

○泣音利又音類

傳七年春公伐邾間晉難也

**國**

公因霸國有難而侵

○間間廁之間或如小字難乃且反註同

○三月甲戌取須句寘文公

子焉非禮也

**國**

邾文公子叛在魯故公使爲守須句

大夫也絕大皞之祀以與鄰國叛臣故曰非禮

○寘之豉

反下同大音泰皞戶老反

○夏四月宋成公卒於是公子成爲右

師註莊公子公孫友為左師註目夷子樂豫為司馬

註戴公玄孫鱗矐為司徒註桓公孫註矐註戴註戴

孫鱗矐桓公孫。正義曰世本戴公生樂甫術術生碩甫澤澤生季甫甫生子僕伊與樂豫是也世本又云桓公生公子鱗

鱗生東鄉矐是也公子蕩為司城註桓公子也以武

公名廢司空為司城華御事為司寇註華元父也傳

言六卿皆公族昭公不親信之所以致亂註御魚呂反本又作

禦音昭公將去羣公子樂豫曰不可公族公室之枝

葉也若去之則本根無所庇廕矣葛藟猶能庇其本

根註葛之能藟蔓繁滋者以本枝廕麻之多註去起呂反下

及註同庇必利反又悲位反下同廕本又作蔭於鳩反藟本或作藟力軌反蔓音萬麻許求反又作庇藟類龜註故君子以為比註謂詩人取以喻九族兄弟註必爾註葛藟至為比註正義曰此引葛藟王風葛藟之篇也彼毛傳以之為興此云君子以為比者但比之隱者謂之興興之顯者謂之比比比之與興深淺為異耳此傳近取庇根理淺故以為比毛意遠取河潤義深故以為興註況國君乎此諺所謂庇焉而由意不同故比興異耳

縱尋斧焉者也註縱放也必不可君其圖之親之以

德皆股肱也誰敢攜貳若之何去之不聽穆襄之族

率國人以攻公註穆公襄公之子孫昭公所欲去者

殺公孫固公孫鄭于公宮註二子在公宮故為亂兵

所殺

**㊦**

二子至所殺。正義曰經書宋人殺其大夫傳言不稱名非其罪則此二子名氏當見

於經亦卿官也僖二十二年傳稱大司馬固於時又有司馬子魚上文樂豫為司馬下云六卿和公室六

卿之外有此二子蓋是孤卿之官也宋是六卿和公

室樂豫舍司馬以讓公子印

**㊦**印昭公弟

○舍音捨下同印五

反郎昭公即位而葬書曰宋人殺其大夫不稱名眾也

且言非其罪也

**㊦**

不稱殺者及死者名殺者眾故名

不可知死者無罪則例不稱名

**㊦**

正義曰傳云不稱

名怪殺者死者竝不名也又言眾也解殺者不名言

殺者眾多其名不可知也且言非其罪也解死者不

名言死者無罪則於例不稱名也此傳言書曰是仲尼新意殺大夫有例無凡故每言書曰所謂曲而暢

之也此言死者無罪故不稱名則被殺書名皆為有

罪故諸是大夫被殺書名者杜皆言其罪狀正以此

傳為例故也釋例曰大臣相殺死者無罪則兩稱名

氏以示殺者之罪王札子殺召伯毛伯是也若死者

有罪則不稱殺者名氏晉殺其大夫陽處父是也若

為賊者眾因亂而殺則亦稱國人殺者主名不分故

也主名不分死者雖名氏可知亦隨而去之嫌於罪

死者也士殺大夫則書曰盜盜殺鄭公子騂公子發

公孫輒是也若然宋之穆襄之族既非六卿於例名

氏不見亦應書盜而不言盜者彼殺鄭卿者知是尉

止司臣之類故書盜以惡其人此則不得主名書盜

不知所惡故不書其盜耳若知其人則亦書盜也

○秦康公送公子雍于晉曰文公之入也無衛故有

呂卻之難

**㊦**僖二十四年文公入

○難乃

乃多與之

徒衛穆嬴日抱大子以啼于朝曰先君何罪其嗣亦

何罪舍適嗣不立而外求君將焉寘此

夫人靈公母也○嬴音盈適本又作嫡同丁歷反將焉於虔反下焉用同出朝則

抱以適趙氏頓首於宣子曰先君奉此子也而屬諸

子曰此子也才吾受子之賜不才吾唯子之怨

使宣子教訓之音屬今君雖終言猶在耳

之耳而棄之若何宣子與諸大夫皆患穆嬴且畏偪

乃背先蔑而立靈

公以禦秦師箕鄭居守趙盾將中軍先克佐之

先且居子代狐射姑○背音佩箕音基守手又反荀

林父佐上軍

下軍先都佐之步招御戎戎津為右及董陰

士會逆公子雍前還晉晉人始以逆雍出軍卒然變

討立靈公故車右戎御猶在職董陰晉地

寸忽反○正義曰諸言御戎為

逆雍出軍此擬為雍之御右也改立靈公故御右猶

在職也十二年河曲之戰傳稱范無恤御戎註云代

步招晉君不行有御戎者成二年楚令尹子重為揚

橋之役王卒盡行彭名御戎註云王卒盡行故王戎

車亦行然則河曲之戰亦公卒盡行公之戎車亦行

故御戎在職也此時未至令狐令狐猶是晉地知董

陰亦是晉地也宣子曰我若受秦秦則賓也不受寇也既不

受矣而復緩師秦將生心先人有奪人之心國奪敵之戰心也○復扶又反先悉薦反又有奪人之心本或此下有後人待其反誤軍之善

謀也逐寇如追逃軍之善政也訓卒利兵秣馬蓐食

潛師夜起國蓐是早食於寢蓐也○卒子忽反秣音末蓐音辱戊

子敗秦師于令狐至于刳首己丑先蔑奔秦士會從

之國從刳首去也令狐在河東當與刳首相接○刳苦胡

反先蔑之使也荀林父止之曰夫人大子猶在而外

求君此必不行子以疾辭若何不然將及國禍將及

已○使所吏反攝卿以往可也何必子同官為寮吾嘗同

寮敢不盡心乎弗聽為賦板之三章國板詩大雅其

三章義取芻蕘之言猶不可忽况同寮乎僖二十八

年林父將中行先蔑將左行○寮本又作僚力彫反為于僞反下為同寮同

芻初俱反蕘音饒又弗聽及亡荀伯盡送其帑及其

器用財賄於秦曰為同寮故也國荀伯林父士會在

秦三年不見士伯國士伯先蔑其人曰能亡人於國

一國言能與人俱亡於晉國不能見於此焉用之國何

用如此士季曰吾與之同罪國俱有迎公子雍之罪

非義之也將何見焉國言已非慕先蔑之義而從之

及歸遂不見國責先蔑為正卿而不匡諫且俱出奔

惡有黨也士會歸在十三年○惡鳥路反○狄侵我西鄙

公使告于晉趙宣子使因賈季問○鄆若忠反鄆舒且讓之國鄆

舒狄相讓其伐魯○相息亮反鄆舒問於賈季曰趙

衰趙盾孰賢對曰趙衰冬日之日也趙盾夏日之日

也國冬日可愛夏日可畏○秋八月齊侯宋公衛侯

陳侯鄭伯許男曹伯會晉趙盾盟于扈晉侯立故也

公後至故不書所會凡會諸侯不書所會後也國不

書所會謂不具列公侯及卿大夫後至不書其國辟

不敏也國此傳還自釋凡例之意國凡會至不敏○

正義曰僖十四年諸侯城緣陵傳曰不書其人有關也十五年諸侯

盟于扈傳曰書曰諸侯無能為也十六年諸侯會于

扈傳曰書曰諸侯無功也然則總稱諸侯皆是罪諸

侯也此總稱諸侯不稱所會為公後也傳還自釋凡

例云後至不書其國者辟不敏也不敏猶不達也諸

國皆在公獨後至是公不達於事辟公之不達於事

諱公罪而歸責於諸侯者若言諸侯無功然故貶諸侯而總之所以辟公恥也○穆伯娶于

莒曰戴已生文伯其姊聲已生惠叔國穆伯公孫敖

也文伯穀也惠叔難也○巳音紀又音杞姊戴已卒

又聘于莒莒人以聲已辭則為襄仲聘焉國襄仲公

孫敖從父昆弟○為于偽反且為自為同冬徐伐莒莒人來請盟

春大流

卷二十一

二十一

二十一

二十一

二十一

見伐故欲結援穆伯如莒蒞盟且為仲逆及鄆陵

登城見之美鄆陵莒邑自為娶之仲請攻

之公將許之叔仲惠伯諫惠伯叔牙孫曰臣聞之

兵作於內為亂於外為寇寇猶及人亂自及也今臣

作亂而君不禁以啓寇讎若之何公止之惠伯成之

平二子使仲舍之舍不娶舍音公孫敖反之

還莒女復為兄弟如初從之為明年公孫敖奔

莒傳復音服晉卻缺言於趙宣子曰日衛不睦

故取其地日往日取衛地在元年今已睦矣可以

歸之叛而不討何以示威服而不柔何以示懷

安也非威非懷何以示德無德何以主盟子為正卿

以主諸侯而不務德將若之何夏書曰逸書戒之

用休有休則戒之以勿休董之用威

董督也有罪則督之以威刑勸之以九歌勿使壞九

功之德皆可歌也謂之九歌六府三事夏書至三

曰此虞書大禹謨之文也以其夏禹之言故傳謂之

夏書勿使壞以上皆彼正文唯彼言俾勿壞俾亦使

也一字別耳彼上文云水火金木土穀惟修正德利

日六府三事允治卻缺令宣子修德行禮使人謂之



九功水火金木土穀謂之六府正德利用厚生謂之

三事義而行之謂之得禮德正德也禮以制財用

之節又以厚生民之命無禮不樂所由叛也無禮

也○正義曰在上為政無禮則民不樂是叛之所由若吾子之德莫可歌也其

誰來之○樂音洛盍使睦者歌吾子乎宣子

說之○蓋戶臘反為明年晉歸鄭衛田張本○至張本

○正義曰鄭往前侵衛田今晉令鄭歸還衛田也言歸鄭衛田者謂晉歸以鄭所取衛田故杜下註云佳

本衛邑中屬鄭令鄭還衛是也然晉亦還衛田獨言鄭還衛田者以鄭歸衛田為主遂畧之劉炫以為歸

鄭及歸衛田怪傳文歸衛不歸鄭而規杜氏非也

經八年春王正月

夏四月

秋八月戊申天王崩

冬十月壬午公子遂會晉趙盾盟于衡雍壬午月五日

○雍於日用反

乙酉公子遂會雜戎盟于暴乙酉月八日也暴鄭地

公子遂不受命而盟宜夫族善其解國患故稱公子

以貴之○會雜戎本或作伊雜之戎此後人妄取傳文加耳雜音洛去起呂反

貴之○正義曰以壬午乙酉相去四日其間不容報君見其專命之意故註詳其日也衡雍鄭地知暴亦

春秋左傳卷之二十三

鄭地臣無專命之義故鞏溺皆去其族也此公子遂不受君命因事遂行輒與成盟宜去其族傳言書曰公子遂珍之是善其解國患故稱公子以貴之也釋例曰人臣受命不受辭出竟有可以利社稷者專之可也故襄仲始盟趙盾遂盟伊洛之戎四日之間經再書公子不可以遂事常辭顯之也

公孫敖如京師不至而復丙戌奔莒

出自外行

各無傳為災故書

宋人殺其大夫司馬宋司城來奔

城奉身而退故皆書官而不名貴之

○舍音捨

傳八年春晉侯使解揚歸匡戚之田于衛

匡本衛

邑中屬鄭孔達伐不能克今晉令鄭還衛及取戚田

皆見元年

○解音蟹中丁仲反令鄭力呈反見賢遍反

且復致公壻池之

封自申至于虎牢之竟

地以封之今并還衛也申鄭地傳言趙盾所以能相

幼主而盟諸侯

○復扶又反壻音細俗作婿竟音境下註同相息亮反

壻至公

諸侯○正義曰釋親云女子之夫為壻傳稱公壻知是晉君之女壻池其名也杜以上言歸匡戚之田于衛又言且復致則晉亦致于衛故言又取衛地以封之今并還衛也劉炫云服虔以為致之于鄭以服言

是規杜已釋之○夏秦人伐晉取武城以報令狐之役

狐役在七年○秋襄王崩

晉人以扈之盟來討國前年盟扈公後至○冬襄仲

會晉趙孟盟于衡雍報扈之盟也遂會伊維之戎國

伊維之戎將伐魯公子遂不及復君故專命與之盟

書曰公子遂珍之也國珍貴也大夫出竟有可以安

社稷利國家者專之可也國珍貴至可也○正義

珍之事同而文異故以珍為貴也大夫出竟以下皆莊十九年公羊傳文○穆伯如周弔

喪不至以幣奔莒從已氏焉國已氏莒氏○宋襄夫

人襄王之姊也昭公不禮焉國昭公適祖母○適下

夫人因戴氏之族國華樂皇皆戴族以殺襄公之孫

孔叔公孫鍾離及大司馬公子卬皆昭公之黨也司

馬握節以死故書以官國節國之符信也握之以死

人不廢命國節國至廢命○正義曰周禮掌節掌

都鄙者用角節鄭玄云玉節有五則典瑞云穀圭以

和難以聘女身璋以起軍旅以治兵守珍圭以徵守

以恤凶荒琬圭以治德以結好琰圭以易行以除慝

其角節鄭註云未聞此司馬司城以事在官蓋執此

等之玉節小行人云守都鄙者用管節此司馬司城

或食采地即都鄙之主此節或是管節也掌節又云

山國用虎節土國用人節澤國用龍節鄭註云鑄金

節小行人又云道路用旌節門關用符節都鄙用管節鄭註云道路謂諸侯鄉遂及諸侯司門司關都鄙之等也令之為官授以此節今握節以死示已不廢命也此夫人殺而經書宋人殺其大夫者夫人與君共有國家尊與君同不得為兩下相殺故同國討之文雖同國討稱人實非國討之例以其死者不稱名無罪故也

也意諸公子蕩之孫○效尸公以其官逆之皆復之○效反

亦書以官皆貴之也○卿違從大夫公賢其效節故

以本官逆之請宋而復之司城官屬悉來奔故言皆

復○卿違至皆復○正義曰卿違從大夫昭七年

不敢帶官而逃公賢其效節故以本官逆之為是書宋司城來奔善其人故書其官也請宋復之事在十

一年一人不得言皆知○夷之蒐晉侯將登箕鄭父

先都○登之於上軍也夷蒐在六年○登之至六年

清原之蒐箕鄭佐新上軍先都佐新下軍二人先為卿矣而復欲登之知登於上軍也然則七年令狐之戰傳歷言諸軍將佐箕鄭將上軍先都佐下軍先都不登容可然恨箕鄭不失其登而亦共作亂者蓋先克之薦狐趙并亦請退箕鄭先都於時即佐下軍箕鄭雖得不退因此意望以成小憾及狐射姑出奔箕鄭位次宜佐中軍而先克代射而使士穀梁益姑箕鄭守其故職蓋以此而恨也

耳將中軍○士穀本司空○穀戶木反先克曰狐趙

之勲不可廢也從之○狐偃趙衰有從亡之勲○從

用先克奪蒯得田于董陰○七年晉禦秦師於董陰

以軍事奪其田也先克中軍佐○刑苦故箕鄭父先

都士穀梁益耳蒯得作亂○為明年殺先克張本為

于偽反

經九年春毛伯來求金○求金以共葬事雖踰年而未

葬故不稱王使○共音恭本亦作供下同

夫人姜氏如齊○無傳歸寧

二月叔孫得臣如京師辛丑葬襄王○卿共葬事禮也

○卿共葬事禮也○正義曰言禮者以明天子之喪卿弔卿會葬諸侯不親行也釋例曰萬國之數

至衆封疆之守至重故天王之喪諸侯不得越竟而奔修服於其國卿共弔送之禮既葬卒哭而除凶魯

侯無故而穆伯如周弔為此天子崩諸侯遣卿弔送之經傳也杜以往年穆伯弔喪今令會葬二事傳無譏文知其禮當然也昭三十年傳鄭游吉云靈王之喪我先君簡公在楚似不在楚即當親行而言禮不親者彼言由君在楚上卿守國故使少卿印段往耳言君當親行也

晉人殺其大夫先都○下軍佐也以作亂討故書名

三月夫人姜氏至自齊○無傳告于廟○夫人至自齊

氏云夫人歸寧書至唯有此耳餘不書者或禮儀不備或淫縱不告廟也

晉人殺其大夫士穀及箕鄭父○與先都同罪也

楚人伐鄭○楚子師於狼淵不親伐

公子遂會晉人宋人衛人許人救鄭

夏狄侵齊無傳

秋八月曹伯襄卒無傳七年同盟于扈七年同盟于扈

正義曰襄以僖八年即位其年盟于洮九年于葵丘十五年于牡丘二十一年于薄今唯言于扈據文公之言

九月癸酉地震無傳地道安靜以動為異故書

道至故書○正義曰穀梁傳曰震動也公羊傳曰震者何動地也何休云傳先言動者喻若物之動地以曉人也周語伯陽父曰陽伏而不能出陰迫而不能烝遂於是地震孔晁云陽氣伏於陰不見迫於陰故不能升以至於地動是地道安靜以動為異也

冬楚子使椒來聘稱君以使大夫其禮辭與中國同

椒不書氏史畧文稱君至畧文○正義曰莊二十三年荆人來聘不稱楚子使

某至此稱君以使大夫其禮與中國同其禮既同椒亦宜書其某氏今不書氏傳無貶文皆是史辭自畧無義例也釋例曰楚殺得臣與宜申賈氏皆以為陋案楚殺大夫公子側成熊之等六七人皆稱氏族無為獨於此二人陋也斯蓋非史策舊法故無凡例當時諸國以意而赴其自來聘使者辭有詳畧仲尼修春秋因采以示義義之所起則刊而正之不者即而示之不皆刊正也諸侯之卿當以名氏備書於經其加貶損則直稱人若有衰異則或稱官或但稱氏若無衰無貶傳所不發者則皆就舊文或未賜族或時有詳畧也推尋經文自莊公以上諸弑君者皆不書氏閔公以下皆書氏亦不足以明時史之同異非仲尼所皆貶也

秦人來歸僖公成風之襚衣服曰襚秦辟陋故不稱

使不稱夫人從來者辭○禭音遂說文作祝云贈終者衣被曰祝以此禭為衣死  
人衣辟○禭曰衣服至者辭○正義曰隱元年公羊傳  
匹亦反○禭曰衣被曰禭穀梁傳曰衣衾曰禭禮稱禭  
者君使臣致服故云衣服曰禭曰秦處西戎其國辟  
陋故不稱君使猶楚在莊世稱荆人來聘也成風夫  
人也來者不言夫人從來者之引也元  
言僖公僖公先薨也不言及并來之者

**葬曹共公**○無傳音恭

**傳九年春王正月己酉使賊殺先克**○箕鄭等所使

也亂殺先克不赴故不書乙丑晉人殺先都梁益耳

**乙丑**正月十九日經書二月役告○毛伯衛來求

**金非禮也**○天子不私求財故曰非禮不書王命未

**葬也**○二月莊叔如周葬襄王○莊叔如周葬襄王  
○正義曰正義曰虎舉此

經者嫌莊叔別以他事使○三月甲戌晉人殺箕鄭  
周葬王更使人會故明之

**父士穀蒯得**○梁益耳蒯得不書皆非卿  
○至非卿

○正義曰士穀書經則是卿也七年令狐之戰三軍  
將佐無士穀十二年河曲之戰三軍將佐杜註無代

士穀者而士穀得為卿者先蔑奔秦傳無其代十二  
年樂盾將下軍註云代先蔑者據傳成文言之耳未

必不是士穀代先蔑樂盾代士穀也箕鄭上軍將也  
傳文先箕鄭後士穀士穀若將下軍則是位之次也

其事似然或者晉於將佐之外猶別有散位從卿若  
卻缺趙穿之類也傳箕鄭先士穀經士穀先箕鄭者

經以殺之先後傳以位次序列傳蒯得居下知其以  
位次也賈逵云箕鄭稱及非首謀按襄二十三年陳

殺其大夫慶虎及慶寅杜云言○范山言於楚子曰  
及史異辭無義例則此亦然也

晉君少不在諸侯北方可圖也

范山楚大夫詩照

反下註同楚子師于狼淵以伐鄭

陳師狼淵為伐鄭援

也賴川賴陰縣西有狼陂

皮反

囚公子堅公子尤

及樂耳

三子鄭大夫

江反

鄭及楚平○公子遂

會晉趙盾宋華耦衛孔達許大夫救鄭不及楚師卿

不書緩也以懲不恪

華耦華父督曾孫公子遂獨

不在貶者諸魯事自非指為其國衰貶則皆從國史

不同之於他國此春秋大意他皆放此

○懲直升反

于偽

華耦至放此

○正義曰在禮卿不會公侯會則貶之稱人元年公孫敖會晉侯于戚文

無所貶此公子遂與諸國同行諸卿皆貶遂獨不貶諸如此類莫不盡然知諸於魯事自非指為其國衰貶皆從魯史以其體例已舉不假改正故也

陳邑以其服於晉也○秋楚公子朱自東夷伐陳

子朱息公也陳人敗之獲公子莪陳懼乃及楚平

以小勝大故懼而請平也傳言晉君少楚陵中國明

年所以有厥貉之會

○莪扶廢反貉武百反

○冬楚子越椒來

聘執幣傲

子越椒令尹子文從子傲不敬

○傲五報反註

下同從才用反

叔仲惠伯曰是必滅若敖氏之宗傲其先君

神弗福也

十二年傳曰先君之敝器使下臣致諸



執事明奉使皆告廟故言傲其先君也為宣四年楚滅若敖氏張本○敖五刀反使所吏反○秦人來歸僖公成風

之禭禮也○秦慕諸夏欲通敬於魯因有翟泉之盟

故追贈僖公并及成風本非魯方嶽同盟無相赴弔

之制故不譏其緩而以接好為禮○夏戶雅反嶽音岳好呼報反下文

同註諸侯相弔賀也雖不當事苟有禮焉書也以無忘

舊好○送死不及尸故曰不當事書者書於典策垂

示子孫使無忘過厚之好○諸侯至舊好○正義曰此雖廣言諸侯主為秦

人發傳隱元年王使來賜尚譏其緩若是同盟之國必譏其緩可知釋例曰秦之與魯本非方嶽同盟魯

薨不赴秦秦不賙魯自是其常也僖穆二公雖有同盟之義二君已卒則二子不得用同盟之禮也今秦康公遠慕諸華欲通敬於魯無以為辭因翟泉有盟追贈僖公并及成風假弔禮而行故曰禮也送死不及尸謂不當其事書者書之於策垂之子孫以示過厚之好也是言此傳主為秦也僖公成風服除久矣今始來弔贈當以變禮待之檀弓曰衛將軍文子之喪既除喪而後越人來弔主人深衣練冠待於廟垂涕洟子游曰將軍文氏之子其庶幾乎亡於禮者之禮也其動也中是古有以服終來弔者何休膏肓云禮主於敬一使兼二喪又於禮既緩而左氏以為禮非也鄭箴云若以為緩按禮衛將軍文子之喪既除喪而越人來弔子游何得善之是鄭不非其緩也若譏一使兼二禮雜記諸侯弔禮有含禭贈臨何以一使兼行

經十年春王三月辛卯滅孫辰卒○無傳公與小斂故

書日○與音預  
斂力驗反

夏秦伐晉不稱將帥告辭畧○將子匠反  
帥所類反

楚殺其大夫宜申宜申子西也謀弑君故書名

自正月不雨至于秋七月無傳義與二年同

及蘇子盟于女栗女栗地名闕蘇子周卿士頃王新

立故與魯盟親諸侯也  
○女音汝一音  
如字頃音傾

冬狄侵宋無傳

楚子蔡侯次于厥貉厥貉地名闕將伐宋而未行故

書次

傳十年春晉人伐秦取少梁少梁馮翊夏陽縣

商照反下註  
同夏戶雅反夏秦伯伐晉取北徵報少梁○徵如  
字三蒼

云縣屬馮翊音  
懲一音張里反○初楚范巫裔似裔似范邑之巫

○裔尹  
必反謂成王與子玉子西曰三君皆將強死將

強死○正義曰強健也  
無病而死謂被殺也城濮之役王思之故使止子

玉曰毋死不及止子西子西縊而縣絕在僖二十

八年○強其丈反濮音卜母  
音無縊一豉反縣音玄王使適至遂止之使為

商公商楚邑今上維商縣○王使  
所吏反泚漢沂江將入

郟泚順流沂逆流○泚悅專反沂息路反順流

斥逆流。正義曰：商在漢水北，漢水東流而南入江。子西既至商邑，聞讒不敢居，商縣汭漢水順流而下。至江乃泝流逆上，渚宮當郢都之南，故王在渚宮。下見之也。下註云：小洲曰渚，釋水文。

**宮** 小洲曰渚。居者曰洲，音州。可下見之懼而辭。

曰：臣免於死，又有讒言謂臣將逃，臣歸死於司敗也。

**陳** 楚名司寇為司敗。子西畏讒言不敢之商縣。

**王** 使為工尹。掌百工之官。又與子家謀弑穆王穆。

王聞之五月殺鬬宜申及仲歸。仲歸子家不書，非。

卿。秋七月及蘇子盟于女栗，頃王立，故也。

年狄滅溫，蘇子奔衛，今復見，蓋王復之。

陳侯鄭伯會楚子于息，冬遂及蔡侯次于厥貉。陳鄭及宋麋子不書者，宋鄭執卑苟免為楚僕，任受役於司馬麋子恥之，遂逃而歸。三君失位降爵，故不列於諸侯。宋鄭猶然，則陳侯必同也。

○正義曰：杜以陳鄭會楚子于息，遂與蔡侯次于厥貉，則陳鄭當在次也。傳稱厥貉之會，麋子逃歸，則麋子當在也。宋公逆楚子，間宋公亦在也。獨書楚子蔡侯不言，陳鄭宋麋故迹其事而為之說言，宋陳鄭三君降爵，麋子逃歸，故不書也。劉炫以為告文畧，故不書。陳鄭宋今知不然者，此楚會諸侯必是楚人來告。若楚人來告，當以得諸侯為榮，何以畧其宋鄭陳乎？麋子不會，傳云逃歸，宋鄭二國為楚僕，役猶如許蔡。

○陳九 倫反 至同也

○復扶又反 見賢遍反

○陳鄭 倫反 至同也

○陳鄭 倫反 至同也

○陳鄭 倫反 至同也

○陳鄭 倫反 至同也

○陳鄭 倫反 至同也

○陳鄭 倫反 至同也

○陳鄭 倫反 至同也

○陳鄭 倫反 至同也

二君降乘楚車許蔡既不善於經故知宋鄭失位不  
規杜氏  
非也  
將以伐宋宋華御事曰楚欲弱我也先為之

弱乎何必使誘我我實不能民何罪乃逆楚子勞且  
聽命  
時楚欲誘呼宋共戰御事華元父  
勞力  
遂

道以田孟諸  
孟諸宋大藪也在梁國睢陽縣東北

宋公為右孟鄭伯為左孟  
孟田獵

陳名  
孟音于  
期思公復遂為右司馬  
復遂楚期

思邑公今弋陽期思縣  
弋以  
子朱及文之無畏為

左司馬  
將獵張兩甄故置二左司馬然則右司馬

一人當中央  
甄吉  
將獵至中央  
正義曰宋  
誅宋公之僕自謂當官而行明無畏當右子朱當左  
是只張兩甄故置二左司馬使各掌一甄自然右司  
馬一人當中央也  
命夙駕載燧  
燧取火者  
命眉病反燧  
音遂本又作燧

宋公違命  
不夙駕載燧無畏扶其僕以狗或謂子  
舟曰國君不可戮也子舟曰當官而行何疆之有

子舟無畏字  
扶恥乙反徇  
詩曰剛亦不吐柔亦不

茹  
詩大雅美仲山甫不辟疆禦  
茹如  
母縱詭隨

以謹罔極  
詩大雅詭人隨人無正心者謹猶慎也

罔無也極中也  
詭九  
母縱至罔極  
正義曰無

春秋左傳註疏卷第十九上

以謹教彼無中正之人言小罪尚不赦則大罪不敢為也。是亦非辟疆也敢愛死以亂官乎。為宣十四年宋人殺子舟張本。厥貉之會麋子逃歸。為明年楚子伐麋傳。

春秋左傳註疏卷第十九上終

春秋左傳註疏卷第十九下 文十一年 盡十五年

晉杜氏註

唐孔穎達疏

經十有一年春楚子伐麋。討前年逃厥貉會。麋九

夏叔仲彭生會晉卻缺于承筐。承筐宋地在陳畱襄

邑縣西彭生叔仲惠伯卻缺冀缺。叔仲彭生叔又作州本或作叔彭

生仲衍字 缺丘悅反

秋曹伯來朝

公子遂如宋

春秋疏

卷十九下

及古

狄侵齊

冬十月甲午叔孫得臣敗狄于鹹

**國** 鹹魯地 音咸

傳十一年春楚子伐麋成大心敗麋師於防渚

**國** 成大心子玉之子大孫伯也防渚麋地潘崇復伐麋至

于錫穴 **國** 錫穴麋地 ○復扶又反錫音羊或作錫星歷反 ○夏叔仲惠

伯會晉卻缺于承匡謀諸侯之從於楚者 **國** 九年陳

鄭及楚平十年宋聽楚命 ○秋曹文公來朝即位而

來見也 ○見賢通反 ○襄仲聘于宋且言司城蕩意諸而

復之 **國** 八年意諸來奔歸不書史失之 **國** 八年至失之 ○正

義曰諸侯之卿出奔而復歸者宋華元衛孫林父之徒皆書其歸則蕩意諸之歸亦當書之服虔云反不書者施而不德衛冀隆亦同服義而難杜云襄二十九年樂氏施而不德春秋所善不書意諸之歸則是施而不德且經所不書傳即發文史失之即不書日史失之之類是也此既無傳何知史失杜必以為史失者案衛侯鄭之歸于衛也僖公納賂而請之衛侯朔之入于衛也莊公與師而納之歸邾子益于邾自我而歸之皆受魯施並書於經何獨意諸施而不德若意諸施而不德彼何故施而德之春秋公侯大夫失位出奔得人力而反者多矣若皆施而不德不應赴告諸侯魯以不書為是則書者為非何以無貶責之文定人之謂禮存亡之謂義未有禮義在可諱之意故杜以為史官失之故不書於策

師之不害也 **國** 往年楚次厥貉將以伐宋 ○鄭瞞侵

齊 **國** 鄭瞞狄國名防風之後漆姓 ○鄭所求反說文作鄆云北方長狄

國也在夏為防風氏殷為汪芒氏字國鄭瞞至漆  
 林剡一音先牢反瞞莫下反漆音七國姓國正義曰  
 狄是北夷大號鄭瞞是其國名魯語云吳伐越噶會  
 稽獲骨節專車吳子使來聘問之仲尼仲尼宴之客  
 執骨而問曰敢問骨何為大仲尼曰昔禹致羣臣於  
 會稽之山防風氏後至禹殺而戮之其骨節專車此  
 為大矣客曰防風氏何守仲尼曰汪芒氏之君守封  
 隅之山者也為漆姓在虞夏商為汪芒氏於周為長  
 狄氏今日曰大人客曰人長之極幾何仲尼曰僬僥氏  
 長三尺短之至也長者不過十之數之極也此言長  
 狄狄之長者彼言於周為長狄知鄭瞞即是防  
 風氏之後故以國語為說服云伐我不書諱之

我公卜使叔孫得臣追之吉侯叔夏御莊叔國莊叔

得臣國漆房甥為右富父終甥駟乘國駟乘四

人共車國○冬十月甲午敗狄于鹹獲長

雅反○乘繩證反  
註及下皆同

狄僑如國僑如鄭瞞國之君蓋長三丈獲僑如不書

賤夷狄也國○僑木作喬其驕反國僑如至狄也○

于鹹即是敗一國也敗其國而獲此人傳不言是其  
 將帥知是其國之君也穀梁傳曰長狄昆石不能害  
 叔孫得臣最善射者射其目身橫九畝斷其首而載  
 之眉見於軾何休云蓋長百尺魯語仲尼所云此十  
 倍僬僥氏之長者故云蓋長三丈魯語言不過十之  
 是疑之言故云蓋也宣十五年晉師滅赤狄潞氏以  
 潞子嬰兒歸彼獲嬰兒歸書之此獲僑如不書者潞  
 國大其君貴故書之此國小僑如賤不書賤夷狄也

富父終甥搯其喉以戈殺之國搯猶衝也國○搯舒容

戈古國搯其喉以戈殺之○正義曰考工記戈之長

禾反國六尺六寸耳得及長狄之喉者兵車之法皆  
 三人共乘魯宋與長狄之戰車皆四乘埋其首於子

駒之門

子駒魯郭門骨節非常恐後世恠之故詳

其處

○處昌呂反

以命宣伯

得臣待事而名其三子因

名宣伯曰僑如以旌其功

○名如字或亡政反得臣至其

襄三十年傳說此事云叔孫莊叔敗狄于鹹獲長狄

僑如及虺也豹也皆以名其子定八年傳稱魯苦越

生子將待事而名之陽州之役獲焉故名之曰陽州

知得臣亦待事以名其三子以旌章其功也此三子

未必同年而生或生訖待事或事後初宋武公之世

始生欲以章已功取彼名而名之也

鄭瞞伐宋 在春秋前 記十二諸侯年表宋武公

即位十八年以魯惠公二十一年卒卒在春 司徒臯

父帥師禦之而彤斑御皇父充石 皇父戴公子充石

皇父名 ○禦本亦作御魚呂反 皇父至父名 ○正義曰

連言名字者皆先字後名且此人 公子穀甥為右司

寇牛父駟乘以敗狄于長丘 長丘宋地獲長狄緣

斯 緣斯僑如之先 獲長狄緣斯 ○正義曰服虔

於戰地 皇父之二子死焉 皇父與穀甥及牛父皆

可知 死故彤斑獨受賞 皇父至受賞 ○正義曰賈逵

鄭眾以為穀甥牛父二人死耳皇父不死馬融以為

皇父之二子從父在軍為敵所殺名不見者方道二

子死故得勝之如今皆死誰殺緣斯服虔云殺緣斯

者未必三子之手士卒獲之耳下言宋公以門賞彤

斑斑為皇父禦而有賞三子不見賞疑皆死賈君為

遠之如馬之言於傳文為順但斑獨受賞知三子皆

服虔



死故杜亦同之宋公於是門賞彤班使食其征

征稅也鏡反門關至稅也正義曰禮惟關

司貨賄之出入掌其治禁與其征塵國凶札則無關

門之征鄭玄云征塵者貨賄之移孟子曰關市譏而

不征則天下行旅皆悅而願出於其塗矣如彼文知

出入關者必有征稅但不知幾而稅一也然據禮文

昭二十年偪介之關暴征其私是關禁之重異於城

門此云食其征謂之彤門晉之滅潞也在宣十五

年音路獲僑如之弟焚如齊襄公之二年魯桓之

十六年鄭瞞伐齊齊王子成父獲其弟榮如榮如

焚如之弟焚如後死而先說者欲其兄弟伯季相次

榮如以魯桓十六年死至宣十五年一百三歲其兄

猶在傳言既長且壽有異於人王子成父齊大夫

壽如字埋其首於周首之北門周首齊邑濟北穀

城縣東北有周首亭衛人獲其季弟簡如伐齊退

走至衛見獲鄭瞞由是遂亡長狄之種絕

正義曰此時長狄種絕仲尼猶

云今日曰大人者言當時呼往前長狄為大人未必

其時有之若當時猶有其種吳人不應怪其骨也但

如此傳文長狄有種種類相生當有支胤唯獲數人

云其種遂絕深可疑之命守封隅之山賜之以漆為

人且君為民心方以類聚不應獨立三丈之君使牧

之生產乎人情度之深可惑也國語仲尼之談左傳丘明所說通賢大聖立此格言不可論其是非實疑之久矣蘇氏云國語稱今日大人但逆居四夷不在中國故云遂亡公羊穀梁竝云長狄兄弟三人一之齊一之魯一之晉何以書記異猶○邾大子朱儒自如史記所云秦時大人見於臨洮

**安於夫鍾**安處也夫鍾邾邑○邾音成儒如朱反夫音扶**國人**

**弗徇**徇順也為明年邾伯來奔傳○徇以俊反

**經十有二年春王正月邾伯來奔**稱爵見公以諸侯

**禮迎之**○見賢○子公以諸侯禮迎之公既尊之為

君史遂從公之意成十年晉侯有疾立太子州蒲為君會諸侯伐鄭經即書為晉侯史官不可反公之心

追言世子從君所稱更是其實故也

**杞伯來朝**復稱伯舍夷禮○復扶又反一音服舍音捨

**二月庚子子叔姬卒**既嫁成人雖見出棄猶以恩錄

其卒**既嫁至其卒**○正義曰天子諸侯絕期嫁女於諸侯則尊同恩成於敵體其禮不為降

卒則服大功九月叔姬既為杞之夫人雖見出棄猶以恩錄其卒喪服女子既嫁而反在父母之室從本

服為之齊衰期此既書其卒當服其本服杜譜不知此叔姬是何公之女要姑與姊妹皆服期也釋例曰

出棄之女反在父母之室則與既笄成人者同故亦書卒也杞叔姬卒穀梁以為公母姊妹謂同母姊妹

**夏楚人圍巢**巢吳楚間小國廬江六縣東有居巢城

**秋滕子來朝秦伯使術來聘**衛不稱氏史畧文

**冬十有二月戊午晉人秦人戰于河曲**不書敗績交

綏而退不大崩也稱人秦晉無功以微者告也皆陳  
曰戰例在莊十一年河曲在河東蒲坂縣南陳直  
觀反坂

反音

季孫行父帥師城諸及鄆鄆音魯所爭者城陽姑幕

縣南有負亭負即鄆也以其遠偏外國故帥師城之

鄆音運幕音莫負音云  
一音運本又作鄆音同

傳十二年春邾伯卒邾人立君邾音自安於外邑

故大子以夫鍾與邾邾邾來奔邾邾亦邑音邾邾公以

諸侯逆之非禮也非公寵叛人故書曰邾伯來奔

不書地尊諸侯也既尊以為諸侯故不復見其竊

邑之罪復扶又反見賢通反○杞桓公來朝始朝公也公

即位始來朝始朝公也正義曰劉炫云魯公新

朝晚則云始朝公也諸侯自新立來及時者則云即

位而來見晚則云始見霸主即位魯公往朝則曰朝

嗣君魯君新立往朝大且請絕叔姬而無絕昏公許

國則曰即位而往見也之國不絕昏立其姊以為夫人不書來歸未笄而卒

○笄古絕昏成五年有杞叔姬來歸故知其姊為

夫人也其姊亦字叔者周之法稱叔也釋例曰杞桓

公以僖二十三年即位襄六年卒凡在位七十一年

而卒亦當書之成五年杞叔姬來歸八年書卒是也  
宣十六年鄭伯姬來歸後不書卒者或更嫁於大夫  
故不書 二月叔姬卒不言杞絕也 既許其絕故不  
卒耳

言杞書叔姬言非女也 女未嫁而卒不書 楚令

尹大孫伯卒成嘉為令尹 若敖曾孫子孔羣舒叛

楚羣舒偃姓舒庸舒鳩之屬今廬江南有舒城舒

城西南有龍舒 羣舒至龍舒 正義曰世本偃

以其非一故 夏子孔執舒子平及宗子遂圍巢 舒

舒君名宗巢二國羣舒之屬 秋滕昭公來朝亦始

朝公也 秦伯使西乞術來聘且言將伐晉襄仲辭

玉曰君不忘先君之好照臨魯國鎮撫其社稷重之  
以大器寡君敢辭玉 大器圭璋也不欲與秦為好

故辭玉 好呼報反註及下 大器至辭玉 正

璧聘夫人用璋享用琮聘禮記曰凡四器者唯其所

寶以聘可也故知所言大器是圭璋也考工記玉人

云瑒圭璋八寸璧琮八寸以規聘聘禮記云所以朝

天子圭與纁皆九寸問諸侯朱綠纁八寸鄭玄云於

天子曰朝於諸侯曰問記之於聘文互相備言互相

備者朝諸侯與天子同聘天子與諸侯同也所言朝

圭九寸聘圭八寸謂上公禮也使臣出聘降君一等  
故八寸則侯伯之使當瑒圭六寸子男之使當瑒璧  
四寸也聘義曰以圭璋聘重禮也已聘而還圭璋此  
輕財而重禮之義也然則玉必還其來使而下云致  
諸執事以為瑞節及襄仲辭之者禮聘終雖復得還  
玉初聘之時其意欲致與主國但圭之且襄仲辭之

者為不欲與秦為對曰不腆敝器不足辭也腆厚

也典反主人三辭賓客曰寡君願徼福于周公魯

公以事君徼要也魯公伯禽也言願事君以并蒙

先君之福微古堯反要於堯反下同不腆先君之敝器使下臣

致諸執事以為瑞節節信也出聘必告廟故稱先

君之器瑞垂偽反要結好命所以藉寡君之命結二國

之好藉薦也反註同禮執主所以致君命君

命致藉玉而後通若坐之有薦席然故以藉為薦也

君子其能國乎國無陋矣厚賄之賄贈送也呼罪

反為于偽反秦為令狐之役故冬秦伯伐晉取羈馬

令狐役在七年羈馬晉邑丁反晉人禦之趙盾

將中軍荀林父佐之林父代先克將子匠反下皆同卻缺

將上軍代箕鄭與駢佐之代林父駢步欒盾

將下軍欒枝子代先蔑盾徒本反胥甲佐之

胥臣子代先都范無恤御戎代步昭遙反以從

秦師于河曲與駢曰秦不能久請深壘固軍以待之

從之秦人欲戰秦伯謂士會曰若何而戰晉士會

七年奔秦壘力軌反深壘固軍正義曰壘壁也軍營所處築土自衛謂之為壘深

者高也高其壘以為軍之阻固案觀禮說對曰趙氏為壇深四尺鄭註云深高也是其義也

新出其屬曰史駢必實為此謀將以老我師也

駢趙盾屬大夫新出佐上軍趙有側室曰穿晉君之

壻也側室支子穿趙夙庶孫

文王世子云公若有出疆之政庶子守公宮正室守太廟鄭玄云正室適子也正室是適子知側室是支子言在適子之側也世族譜穿趙夙之孫則是趙盾從父昆弟之子也盾為正室故謂穿為側室穿別為

邴邴氏趙施趙勝邴邴午是其後也有寵而弱不在軍事

又未嘗涉知軍事少詩好勇而狂且惡史駢之佐

上軍也若使輕者肆焉其可肆暫往而退也

烏路

反輕遣政秦伯以璧祈戰于河禱求勝

反肆音四十二月戊午秦軍掩晉上軍趙穿追之不及

報軍不動趙穿獨追之反怒曰襄糧坐甲固敵是求敵

至不擊將何俟焉軍吏曰將有待也

襄糧坐甲常臨敵則被之於身未戰且坐之於地

知謀將獨出乃以其屬出宣子曰秦獲穿也獲一卿

矣僖三十二年晉侯以一命命卻缺為卿不有軍帥之數然則晉自有散位從卿者

勝歸我何以報乃皆出戰交綏司馬法曰遂奔不

遠從綏不及逐奔不遠則難誘從綏不及則難陷然

則古名退軍為綏秦晉志未能堅戰短兵未至爭而

兩退故曰交綏○爭爭**綏**司馬至兩退○正義曰

死綏舊說綏部也言軍卻將當死綏必是退軍之名

綏訓為安蓋兵書務在進取恥言其退以安行即為

大罪故以**秦行人夜戒晉師曰兩君之士皆未愁也**

**明日請相見也**○愁缺也**愁**缺也○言云傷也字林云間也牛

吝**愁**缺也○正義曰愁者缺之貌今人猶謂缺

反**愁**為愁也沈氏云方言云愁傷傷即缺也下云死

傷未收則是已有死者但未至**與駢曰使者目動而**

**言肆懼我也**○目動心不安言肆聲失常節○使

反將遁矣薄諸河必敗之**薄**迫也○遁徒困反薄

卑賣胥甲趙穿當軍門呼曰死傷未收而棄之不惠

也不待期而薄人於險無勇也乃止**晉師止為宣**

元年放胥甲傳秦師夜遁復侵晉入瑕○復扶**城**

諸及鄆書時也

經十有三年春王正月

夏五月壬午陳侯朔卒**無傳再同盟**○正義曰朔以

僖二十九年即位其年盟于翟泉文二年于**邾子蘧蔭卒**○未同盟而赴以名○蘧其居反○蔭未

垂隴七年于扈云再同盟者據文公言之○蔭其居反○蔭未

而赴以名。正義曰：遠蔭邾子瑱之子也。莊二十九年，即位僖元年，與魯盟于萍，而云未同盟，蓋據文公為言，故云未同盟。劉炫以犇盟規之，非也。

自正月不雨至于秋七月，無傳。義與二年同。

大室屋壞。大廟之室。○大音泰。大廟之室。○正

則於此室當共知大廟之室也。明堂位曰：祀周公於大廟，此周公之廟，壞也。不直言大廟壞，而云大室屋壞者，大廟之制，其簷四阿而下，室當其中，又拔出為重屋，明堂位云：大廟，天子明堂，復廟重檐，天子之廟，飭鄭云：復廟重屋也。是天子之廟，上為重屋，此是大廟當中之室，其主之屋壞，非大廟全壞也。公羊作世室，傳曰：世室者，何魯公之廟也。周公稱大廟，魯公稱世室，羣公稱宮，此魯公之廟也。曷為謂之世室？猶世世不毀也。左傳不辨此，是何公之廟，而經謂之大室，言此室是室之最大者，故知是周公之廟，非魯公也。

明堂位曰：魯公之廟，文世室也。武公之廟，武世室也。不毀則稱世室，世室非一君廟名。若是伯禽之廟，則宜舉其號，諡案左傳，經為大室，不作世室，故左氏先師賈服等皆以為大廟之室也。壞必更作書，其壞而不書，作者隨即修之，故不書也。定二年五月，雉門及兩觀災，十月新作雉門及兩觀，啓塞從時，譏其緩作，故別書之耳。

冬公如晉，衛侯會公于沓，沓地闕。○沓徒答反。

狄侵衛，無傳。

十有二月己丑，公及晉侯盟，十二月無己丑，己丑十

一月十一日

公還自晉，鄭伯會公于棗，棗鄭地。○棗芳味反，又非尾反。



傳十三年春晉侯使詹嘉處瑕以守桃林之塞

嘉晉大夫賜其瑕邑令帥眾守桃林以備秦桃林在

弘農華陰縣東潼關○詹章廉反塞悉代反令

嘉至潼關○正義曰桃林之塞在南河之南遠處晉

與東方諸侯遠結恩好及西乞聘魯亦應更交餘國

也晉人患秦之用士會也夏六卿相見於諸浮

浮晉地○六卿至諸浮○正義曰六卿在朝旦夕聚

季在狄難日至矣若之何○六年賈季奔狄○難乃

趙宣子曰隨會在秦賈

人實中行桓子曰請復賈季○中行桓子荀林父也

僖二十八年始將中行故以為氏○行司貞反註

外事且由舊勳○有狐偃之舊勳

且罪大○殺陽處父故不如隨會能賤而有恥柔而

不犯○不可犯以不義

其知足使也且無罪乃使魏壽餘偽以魏叛

者以誘士會執其帑於晉使夜逸○魏壽餘畢萬之

後帑壽餘子○知音智

帑音奴○魏壽至之後○正義曰

春秋左傳卷之十三 及古

雙者萬之孫為魏之世適壽餘為魏邑請自歸于秦

之主當是雙之近親故云畢萬之後

秦伯許之許受其邑履士會之足於朝躡士會

足欲使行涉反秦伯師于河西將取魏魏人在

東今河北縣於秦為在河之東壽餘曰謂東人之

能與夫二三有司言者吾與之先欲與晉人在秦

者共先告喻魏有司夫請東至之先正義曰

不能堪與彼魏邑二三有司請舊是東方之人并有

說歸秦之言者吾與先行使士會士會辭曰晉人

虎狼也若背其言臣死妻子為戮無益於君不可悔

也辭行示已無去心背音臣死至悔也正義曰言身徇死於

晉妻為戮於秦必無益於君不可改悔秦伯曰若背其言所不歸爾帑

者有如河言必歸其妻子明白如河乃行繞朝贈

之以策策馬櫪臨別授之馬櫪竝示已所策以展

情繞朝秦大夫朝如字又張遙反策本又作策初

林作策云策馬櫪正義曰服虔云繞朝以

也竹瓜反策書贈士會杜不然者壽餘請訖士

會師行不暇書策為辭且事既密不宜以簡贈人傳

稱以書相與皆云與書此獨不宜云贈之以策知是

馬櫪曰子無謂秦無人吾謀適不用也示已覺

其情既濟魏人譟而還喜得士會秦人

歸其帑其處者為劉氏士會堯後劉累之胤別族

復累之姓○累劣被反○屬其子於齊使為王孫氏者知  
 已將死豫令改族其傳又為而發之士會之帑在秦  
 不顯於會之身復無所辟傳說處秦為劉氏未知何  
 意言此討尋上下其文不類深疑此句或非本旨蓋  
 以為漢室初興捐棄古學左氏不顯於世先儒無以  
 自申劉氏從秦從魏其源本出劉累挿註此辭將以  
 媚於世明帝時賈逵上疏云五經皆無證圖識明劉  
 氏為堯後者而左氏獨有明文竊謂前世藉此以求  
 道通故後引之以為證耳○士會至之姓○正義  
 曰昭二十九年傳稱陶唐氏既衰其後曰劉累能飲  
 食龍夏王孔甲賜氏曰御龍襄二十四年傳范宣子  
 云荀之祖自虞以上為陶唐氏在夏為御龍氏在商  
 為豕韋氏在周為唐杜氏晉主夏盟為范氏平語云  
 管隰叔子違周難於晉生子輿為司空世及武子佐  
 文襄輔成景是以受隨范賈逵云隰叔杜伯之子周  
 宣王殺杜伯其子逃奔晉子輿士為也武子為之孫  
 即士會也又世木士為生士伯缺缺生士會會生士

變會是為之孫是為堯後也會子在秦不被賜族故  
 自復累之姓為劉氏秦滅魏劉氏徙大梁漢高祖之  
 祖為豐公又徙沛○邾文公卜遷于繹繹邾邑魯  
 故高祖為沛人

國邾縣北有繹山○繹音亦繹邾至繹山○正  
 邾縣北有繹山徙都於彼山旁山旁當有舊邑故曰  
 繹邾邑也邾既遷都於此竟內別有繹邑宣十年公  
 孫歸父帥師伐邾取繹取彼之別邑不取邾之國都  
 也但邾是卜國彼繹邑亦取繹山為名應近邾之都  
 耳

史曰利於民而不利於君邾子曰苟利於民孤之

利也天生民而樹之君以利之也民既利矣孤必與

焉左右曰命可長也君何弗為邾子曰命在養民死

之短長時也民苟利矣遷也吉莫如之○左右以一

人之命為言文公以百姓之命為主一人之命各有短長不可如何百姓之命乃傳世無窮故徙之音預與

傳直音預君必死不知君命自當卒也左右之意謂不

遷命可長左右勸君弗遷以一人之命為言也文公

之意人君之命在於養民遷則民利志在必遷以百

姓之命為主也一人之命各有短長長短先定不遷

亦死是不可如何百姓之命利在水土遷就善居則

民安樂乃傳世無窮也晉遷新田十世遂遷于繹五

之利衛遷帝丘卜曰三百年是傳世也

月邾文公卒君子曰知命音預君子曰知命正義曰

而死死之短長有時不遷至期亦卒傳言君子曰知

命所以證俗人之惑邾文公以莊二十九年即位至

今五十一年享國久矣命非短折也○秋七月大室之屋壞書不共也

**註**簡慢宗廟使至傾頽故書以見臣子不共音預大

賢遍音預書不共正義曰釋例曰大室之屋國之所

反音預尊朽而不繕久旱遇雨乃遂傾頽不共之甚

故特音預書之○冬公如晉朝且尋盟衛侯會公于沓請平于

晉公還鄭伯會公于棐亦請平于晉公皆成之音預鄭

衛貳于楚畏晉故因公請平鄭伯與公宴于棐子家

賦鴻鴈音預子家鄭大夫公子歸生也鴻鴈詩小雅義

取侯伯哀恤鰥寡有征行之勞言鄭國寡弱欲使魯

侯還晉恤之音預鰥古音預子家至恤之正義曰鴻

王命之曰當及此可憐之人謂貧窮者又當哀此鰥夫寡婦當收斂之使有依附子家言鄭寡弱欲使魯侯遠行還晉存恤之也

**李文子曰寡君未免於此**言亦同有微弱之憂**文子賦四月**四月詩小雅義取行役踰

時思歸祭祀不欲為還晉○為于偽四月至還

四月大夫行役之怨詩也首章云四月初夏而行至

暑先祖匪人胡寧忍予大夫言已四月初夏而行至

六月徂暑矣寒暑易節尚不得歸我之先祖匪人乎

王者何當施忍於我不使得祭祀也文子言已思歸祭祀不欲

更復還晉**子家賦載馳之四章**載馳詩鄘風四章

以下義取小國有急欲引大國以救助○鄘音容載馳至

救助○正義曰載馳許穆夫人聞衛之滅思歸唁兄

之詩也其四章曰陟彼阿丘言采其蕪女子善懷亦

各有行許人尤之衆穉且狂其五章曰我行其野芄

芄其麥控十大邦誰因誰極大夫君子無戎有尤百

爾所思不如我所之此義取小國有急控告大國文

在五章而傳言四章故云四章以下言其并賦五章

**文子賦采薇之四章**采薇詩小雅取其豈敢定居

一月三捷許為鄭還不敢安居○三息暫反又

月三捷○正義曰捷勝也**鄭伯拜**謝公為行公答

三者為侵也伐也戰也

拜  
經十四年春王正月公至自晉無傳告于廟

邾人伐我南鄙叔彭生帥師伐邾

夏五月乙亥齊侯潘卒七年盟于扈乙亥四月二十

及古蜀

九日書五月從赴

○潘判

**國**

七年至從赴。正義

殺孝公子而立是為昭公昭公則以僖二十八年即位其年盟于踐土據文公言之唯同扈之盟耳杜以長歷按之知乙亥是四月二十九日書五月從赴者蓋赴以五月到惟言卒日不言其月即書其所至之

六月公會宋公陳侯衛侯鄭伯許男曹伯晉趙盾癸酉

同盟于新城

新城宋地在梁國穀熟縣西

秋七月有星孛入于北斗

孛音彗也既見而移入北斗

非常所有故書之

○孛音佩徐無憤反嵇康音渤海孛音彗至書之。正義曰公羊傳曰孛者何其

編也其言入于北斗何北斗有中也有何以書記

異也穀梁傳曰孛之為言猶弗也其曰入北斗有環域也釋天云彗星為櫬槍郭璞曰妖星也亦謂之孛言其形孛孛似星彗也經言入于北斗則從他處而入是既見而移入北斗也彗星長有尾入于北斗杓中妖星非常所有故書

公至自會

**國**

無傳

晉人納捷菑于邾弗克納

邾有成君晉趙盾不度於

義而大興諸侯之師涉邾之竟見辭而退雖有服義

之善所興者廣所害者眾故貶稱入

○菑劍其反度待各反竟音境

**國**納捷菑于邾。正義曰捷菑不言邾者下有于邾

與此同也僖二十五年楚人圍陳納頓于頓昭十二年齊高偃納北燕伯于陽彼舊是國君故稱其國

哀二年晉趙鞅納衛世子蒯聩于戚世子之尊以名體國上下又無衛文故亦稱國與此異也齊小白齊陽生許叔蔡季之屬納無納文又復得國與此不同也劉炫云已去邾國又非邾君故不稱邾捷菑也得國為君皆舉國言之齊小白入于齊是也

九月甲申公孫敖卒于齊

**既許復之故從大夫例書**

卒

**既許至書卒**

正義曰傳稱請葬不許明年

大夫例書卒者卒葬異禮事不相連隱公書薨不書葬不成喪不以君禮成其葬也不以君禮猶得書公薨敖雖不以卿禮葬既許其復得從例書卒

齊公子商人弑其君舍

**舍未踰年而稱君者先君既**

葬舍已即位弑君例在宣四年

**舍未至四年**

正義曰公羊之例

既葬稱子踰年稱公左氏則不然僖九年九月晉侯從諸卒冬晉里克殺其君之子奚齊傳曰書曰弑其君之子未葬也荀息立公子卓以葬十一月里克殺公子卓于朝經書里克殺其君卓是未葬稱子既葬稱君不待踰年始稱君也此稱弑其君舍舍已成君故云未踰年而稱君者先君既葬舍已即位也傳云五月昭公卒舍即位後七月為商人所弑經傳無葬昭公之文又齊侯以五月而卒傳稱七月弑舍時未合葬知已葬者正以舍已稱君決知既葬春秋之世多不如禮葬之早晚時有遲速雖復違禮而葬後君葬訖即成君非計禮之葬口始成君也宣十年夏四月齊侯元卒六月葬齊惠公冬齊侯使國佐來聘是葬惠成君之文也杜以成君在於既葬不以踰年為限此言未踰年者意在排舊說也

宋子哀來奔

**大夫奔例書名氏貴之故書字**

夫至

**夫至**

大

書字。正義曰崔杼無罪書崔氏出奔此貴子哀書其字云於例字貴於名故儀父女叔之徒皆書其字

則書字是貴之常例也崔氏傳曰且告以族故因稱氏唯以不名為義

冬單伯如齊單伯周卿士為魯如齊故書○單音善為于偽反

齊人執單伯諸侯無執王使之義故不依行人例使

所吏諸侯至人例○正義曰諸侯執諸侯之大反夫無罪則稱行人以見無罪之義王者之使

不問有罪無罪諸侯皆不得執之執之則為不臣以諸侯無執王使之義故單伯不依行人例言單伯身

雖無罪不依使例故不稱行人也諸侯不得執王使而諸侯之史得貶王使者史之所書周公定法已君

有過猶尚書之王使有愆亦得貶也

齊人執子叔姬叔姬魯女齊侯舍之母不稱夫人自

魯錄之父母辭叔姬至母辭○正義曰使稱子叔姬如齊昭公知至之母也不稱

夫人自魯錄之父母辭亦不知是何公之女魯是其文母家不言文公是其父稱子叔姬者服云子殺身執閔之故言子為在室辭十二年子叔姬卒已被起絕是竝在室也

傳十四年春頃王崩周公閱與王孫蘇爭政故不赴

凡崩薨不赴則不書禍福不告亦不書奔亡禍也

歸復福也頃音傾○崩薨而言禍福則禍亦崩薨

之類福是反禍者也福莫大於享國有家禍莫甚於亡家喪國禍亦崩薨之類相大之物且奔亡歸復其

事多矣雖有出入之例未見不告之義此傳於懲不崩薨之末言之故知奔亡是禍歸復是福也

敬也欲使怠慢者戒○懲直邾文公之卒也

在前年公使弔焉不敬邾人來討伐我南鄙故惠伯



伐邾○子叔姬妃齊昭公生舍叔姬無寵舍無威公

子商人驟施於國驟數也商人桓公子○妃音配本亦作配

驟仕救反施式而多聚士盡其家貸於公有司以繼貸音待又音

之家財盡從公及國之有司富者貸○盡車忍反貸音待又音

夏五月昭公卒舍即位○邾文公元妃齊姜生

定公二妃晉姬生捷菑文公卒邾人立定公捷菑奔

晉○六月同盟于新城從於楚者服從楚者陳鄭

宋且謀邾也謀納捷菑○秋七月乙卯夜齊商人

弑舍而讓元元商人兄齊惠公也書九月從告七

月無乙卯日諛○弑音試元曰爾求之久矣我能事

爾爾不可使多蓄憾不為君則恨多○蓄敕六反本又作畜憾

將免我乎爾為之言將復殺我○復本又作感

將免我乎正義曰言爾已殺君矣我若為君

○有星孛入于北斗周內史叔服曰不出七

年宋齊晉之君皆將死亂後三年宋弑昭公五年

齊弑懿公七年晉弑靈公史服但言事微而不論其

占固非末學所得詳言○弑音後三至詳言○

傳申須云彗所以除舊布新也天事恒象又二十六年傳晏子曰天之有彗也以除穢也宋齊晉三國之

君竝為無道皆有穢德今其出而彼死是除穢之事  
但未測何以知此三君當之史服但言事徵不言其  
言其驗而不推其義  
○晉趙盾以諸侯之師八百

乘納捷菑于邾國語曰楚莊王幼弱子儀為師王子變為  
八百乘六萬人言力有餘○乘繩

邾人辭曰齊出纓且長○纓俱縛反

宣子曰辭順而弗從不祥乃還立適

以長故曰辭順○適丁歷反○周公將與王孫蘇訟于晉

王叛王孫蘇王匡王叛不與而使尹氏與聃啓訟

周公子晉訟理之尹氏周卿士聃啓周大夫○楚莊王立

趙宣子平王室而復之使復和親○楚莊王立

穆王子也子孔潘崇將襲羣舒使公子變與子儀

守而伐舒蓼即羣舒○變舒協反守二子作亂城

郢而使賊殺子孔不克而還八月二子以楚子出將

如商密國語曰楚莊王幼弱子儀為師王子變為

傳○還音旋楚莊王方弱申公子儀父為師王子變為

廬戢黎及叔麋誘之遂殺鬬克及公子變廬今襄

陽中廬縣戢黎廬大夫叔麋其佐鬬克子儀也廬

初鬬克囚于秦在僖二十五年

側立反麋九倫反初鬬克囚于秦

秦有穀之敗在僖三十三年而使歸求成成而不

得志無賞報也公子燮求令尹而不得故二子作

亂傳言楚莊幼弱國內亂所以不能與晉競穆

伯之從已氏也在八年魯人立文伯

穆伯之子穀也穆伯生二子於莒而求復文伯以為

請襄仲使無朝聽命復而不出不得使與聽政事

終寢於家故出入不書為請同十五年亦放此與音

二年而盡室以復適莒文伯疾而請曰穀之子弱

子孟獻子年尚少盡津忍反復扶請立難也

難穀弟難乃多許之文伯卒立惠叔穆伯請重賂

以求復惠叔以為請許之將來九月卒于齊告喪請

葬弗許請以卿禮葬宋高哀為蕭封人以為卿

蕭宋附庸仕附庸還升為卿正義曰蕭本宋邑

莊十二年宋萬弑閔公蕭叔大心者宋蕭邑之大夫

也平宋亂立桓公宋人賞其勞以蕭邑封叔為附庸

莊二十三年蕭叔朝公是為附庸故稱朝附屬宋國

故云宋附庸也宣十二年楚子滅蕭此時蕭國仍在

高哀仕於蕭國遂不義宋公而出遂來奔出而待

放從放所來故曰遂書曰宋子哀來奔貴之也貴

其不食污君之祿辟禍速也污汗辱之也齊人定懿公

使來告難故書以九月齊人不服故三月而後定

書以九月明經日月皆從赴難乃

商人實以七月弑舍取其位而齊人未服三月而後

定定訖始來告不告舍死之月唯言商人弑舍魯史

以其九月來告即書之於九月如此傳文告以九月

即書九月明經之日月皆從赴而書非褒貶詳畧也

社言此者辨先儒言齊公子元不順懿公之為政也

日月有褒貶之義

終不曰公曰夫已氏猶言某甲

甲○正義曰心惡其政不以為公凡與夫言欲稱君

者終不謂之為公曰夫已氏斤懿公之名也劉云甲

已俱是名故襄仲使告于王請以王寵求昭姬于

云猶言某甲

齊昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

春秋流

卷十九下 二十四

及古

○焉於 冬單伯如齊請子叔姬齊人執之恨魯恃

王勢以求女故又執子叔姬欲以恥辱魯

經十有五年春季孫行父如晉

三月宋司馬華孫來盟華孫奉使鄰國能臨事制宜

至魯而後定盟故不稱使其官皆從故稱司馬華

反使所吏反華孫至司馬○正義曰成三年晉

從才用反侯使荀庚來聘衛侯使孫良夫來聘

丙午及荀庚盟丁未及孫良夫盟彼先以君命行聘

禮既而別與之盟故書聘又書盟此雖使來聘魯不

令結盟故書盟未稱使也僖四年楚屈完來盟于師

即其比也諸侯之卿例書名氏以華耦能率其屬官

備禮盡儀故貴其人書其官也八年宋人殺其大夫

司馬宋司城來奔唯言其官不言氏族此既書司馬

及古

及古

及古

及古

及古

及古

及古

及古

及古

及古

復曰華孫者劉炫云或以為華耦貴之既深故特書族案傳華耦魯人以為敏則君子不許是魯貴之不深蓋史有文質故辭有詳畧

夏曹伯來朝

齊人歸公孫敖之喪國大夫喪還不書善魯感子以赦

父敦公族之恩崇仁孝之教故特錄敖喪歸以示義

國大夫至示義。正義曰桓十八年公之喪至自齊僖元年夫人氏之喪至自齊二註皆云告於廟

也是公與夫人薨于外竟皆啓廟告至例書於策宣八年仲遂卒于垂成十七年公孫嬰齊率于狸服皆不書喪至是大夫喪還例不書此獨書齊人歸公孫敖之喪者釋例曰公孫敖縱情棄也既已絕位非大夫也而備書於經者惠叔毀請於朝感子以赦父敦公族之恩崇仁孝之教故曰為孟氏且國故是也不

言來者魯人取之齊人送之非有專使特來故不言來哀八年齊人歸讜及闡註云不言來命歸之無指使此亦彼之類也

六月辛丑朔日有食之鼓用牲于社國傳例曰非禮也

單伯至自齊

晉卻缺帥師伐蔡戊申入蔡國傳例曰獲大城曰入

齊人侵我西鄙

季孫行父如晉

冬十有一月諸侯盟于扈國將伐齊晉侯受賂而止故

總曰諸侯言不足序列

十有二月齊人來歸子叔姬

齊人來歸子叔姬

**例**齊人至異文。正義曰：傳例出曰來歸，是直出之文也。

齊人以王之故來送叔姬，故與直出異文也。使者卑微，不可言齊侯使人，故云齊人來歸。九年秦人來歸，僖公成風之祿，定十年齊人來歸，鄆謹龜陰之田，成九年晉人來勝之類，皆是來者微賤，不得稱君命，故舉國稱人。

齊侯侵我西鄙，遂伐曹，入其郭。

郭，郭也。音郭。

傳十五年春，季文子如晉，為單伯與子叔姬故也。

因晉請齊。為于偽反，下為孟。三月，宋華耦來盟。

其官皆從之，書曰：宋司馬華孫貴之也。

古之盟會。

必備威儀，崇贊幣賓主，以成禮為敬。故傳曰：卿行旅

從春秋時，率多不能備儀，華孫能率其屬，以從古典

所以敬事而自重，使重而自敬，則魯尊而禮篤，故貴

而不名。皆從才用反，註旅從同，又音如字。贊音至，率所類反，又音律，使所吏反。

不名。正義曰：杜檢傳文，諸言書曰者，皆是仲尼新意。此云其官皆從，即云書曰司馬貴之，明是貴其官。從故書其官也。聘禮之文，有上介眾介至所聘之國，誓于其竟，則史讀書司馬執策，賈人拭玉，有司展幣，其從羣官多矣。詩：縣蠻之篇，言大臣出行，微臣隨從，傳稱卿行旅從。昭六年，楚公子棄疾聘，晉至於鄭，竟而誓，知其從人多矣。盟會禮重於聘，知古人盟會必備威儀，崇贊幣賓主，以成禮為敬。故傳云其官皆從，貴之也。春秋之時，率多不能備威儀，故傳每言一介行李是也。華孫今獨能率其官屬，以從古典所

以敬其君事而自鎮重也使人既重而承事恭敬則魯被尊而賓禮篤也奉使鄰國能尊主厚禮是可貴之事故仲尼貴而不名至宴無故揚其先祖之罪為已謙辭是不敏之極魯人以為敏明君子所不與言仲尼貴其官從君子嗤其失辭有善有惡傳兩舉之也釋例曰古之盟會必備禮儀示等威明貴賤各以成禮為節節制兼備則名位不愆華孫居擾攘之世而能率由古典所以敬事而自重使重而事敬則魯尊而禮篤故貴之也至於宴會追稱先人之罪為已謙辭謙以失辭故傳云魯人以為敏明君子所不與也是言善惡兩舉之事也襄五年傳曰楚殺其大夫公子壬夫貪也君子謂楚共王於是不刑言貪也罪壬夫不刑責共王亦是兩舉之文其事類於此也服虔云華耦為卿侈而不度以君命修好結盟舉其官屬從之空官廢職魯人不知其非反尊貴之其意以為貴之者魯人貴之非君子貴之案經儀父與魯結好子哀不義宋公司城效節來奔單伯自齊致命傳皆言書曰貴之實善而貴之也此亦云書曰司馬華

係貴之何故惡而貴之也劉炫又難云此為不知其非儀父豈亦魯不知其非而貴之乎孔子修春秋裁其得失定其褒貶善惡彰於其篇臧否示於來世若魯人所善亦善之所惡亦惡之已無心於抑揚遂逐魯人之善惡筆削之勞何所施用約之以理豈其然哉其官皆從謂共聘之官無關當有留治政者豈舉朝盡行而責其空官也若以官從即責空官聘禮官屬不少豈周公安制禮乎

**公與之宴辭**  
**曰君之先臣督得罪於宋殤公名在諸侯之策臣承其祀其敢辱君**  
**耦華督曾孫也督弑殤公在桓二年耦自以罪人子孫故不敢屈辱魯公對共宴會請**

**承命於亞旅**

**亞旅上大夫也**

○亞於大夫也

正義曰尚書牧誓武王呼羣官而誓曰司徒司馬司空亞旅孔安國云亞次也旅眾也眾大夫其位次卿

成二年傳魯賜晉三帥三命之服侯正亞旅受一命之服皆卿後即次亞旅知是上大夫也華孫不敢當君請受上魯人以為敏無故揚其先祖之罪是不敏魯人以為敏明君子所不與也魯人。正義曰魯人魯鈍之人

○夏曹伯來朝禮也諸侯五年再相朝以修王命古之制也十一年曹伯來朝雖至此乃來亦五年傳

為冬齊侯伐曹張本

諸侯至制也。正義曰周禮大行人云凡諸侯之邦交歲

相問也殷相聘也世相朝也鄭玄云父死子立曰世凡諸侯相朝皆小國朝於大國或敵國相為賓或彼君新立此往朝焉或此君新即位自往朝彼皆是世相朝也襄元年邾子來朝傳曰凡諸侯即位小國朝之是此新立而彼朝之也文九年曹伯襄卒十一年曹伯來朝傳曰即位而來見也是彼新立而朝此也

則知春秋之時猶有世相朝法與周禮合也周禮諸侯邦交唯有此法無五年再朝之制此云古之制也必是古有此法但禮文殘缺未知古是何時鄭玄云古者據今而述前代之言夏殷之時天子蓋六年一巡狩諸侯間而朝天子其不朝者朝罷朝五年再相朝者似如此然則古者據今時而道前世自不必皆道前代傳稱古者越國而謀非謂前代之人有此謀也古人有言非謂前代之人有此言也詩云我思古人非思夏殷之人也此云古者亦非必夏殷鄭言夏殷禮非也僖十五年公如齊杜云諸侯五年再相朝禮也引此證彼則是當時正法非謂前代禮也或人見僖公朝齊杜引此為證遂言五年再相朝是時霸主之法然則魯非霸主曹伯何以朝之曹豈推魯為霸主而屈已以朝之也且云古之制也即是古之聖王制為此法天子不衰諸侯無霸明德天子豈慮世衰霸王威權不行而為之制此法政諸侯以朝之此不達理之言耳然則諸侯之邦交者將以協近鄰結恩好安社稷息民人土宇相望竟界連接一世一朝



疎闊大甚其於間天之年必有相朝之法周禮言世  
相朝者以其一舊一新彼此未狎於此之際必須往  
朝舉其禮之大者不言唯此事五年再相朝正是  
周禮之制周禮文不具耳文襄之霸其務不煩諸侯  
以五年再朝社來大數更制三年一聘五年一朝所  
以說諸侯也五年一朝者亦謂朝大國耳且彼因說  
弔葬非獨霸主之喪明使諸侯相共行此禮也霸王  
遭時制宜非能創制改物諸侯或從時令或率舊章  
此在文襄之後仍守舊制故五年再相朝也傳言古  
之制以文襄已改故也昭十三年歲聘間朝是周之  
諸侯朝天子之法故釋例引之云明王之制歲聘以  
志業以解朝聘之數尚書周官六年五服一朝孔傳  
云一朝會京師是再朝而會周之正禮也若然大行  
人云侯服一歲一見甸服二歲一見男服三歲一見  
采服四歲一見衛服五歲一見要服六歲一見何於  
服數朝者大行人所云謂貢物而見或君自至或遣  
臣來除此貢物之外別有朝會之禮沈氏以為諸侯  
五年再相朝及昭十三年皆為朝牧伯之法以間朝

以講禮與再朝而會是三歲之朝與六年之朝大率  
言之是五年之內再相朝也但魯非曹之伯國而沈  
云朝牧伯之禮又昭十三年朝盟主○齊人或為孟  
之法亦無明證沈氏之言未可從也○齊人或為孟

**氏謀**孟氏公孫敖家慶父為長庶故或稱孟氏長

丁丈孟氏至孟氏○正義曰公孫敖慶父之子

反杜以慶父與孟公異母庶長稱孟雖強同於

適自稱為仲以其實是曰魯爾親也飾棺寘諸堂阜

長庶故時人或稱孟氏

**堂阜齊魯竟上地飾棺不殯示無所歸**○寘之豉

殯必龍帷黼荒火三列黻三列素錦褚加帷荒纁

力反玄紐二鄭玄云飾棺者以華道路及壙中不欲使衆

也惡其親也荒蒙也在旁曰帷在上曰荒皆所以衣柳

畫荒緣邊為雲氣火燄為列於其中耳褚以襯覆棺  
乃加帷荒於其上紐所以連結帷荒者也禮之飾棺  
惟有此耳齊人教之飾棺蓋依此大夫之制而為之  
飾置諸堂阜故為不殯示無所歸冀魯人哀之也沈  
氏云飾棺即雜記云諸侯死於道其輜有裱緇布裳  
帷素錦以為屋而行大夫死於道以布為輜而行義  
或當 **魯必取之從之** 卜人以告 **魯** 卜人魯卜邑大夫  
然 卜皮 **魯** 卜人至大夫。正義曰治邑大夫例呼  
彥反 **魯** 為人孔子父為鄆邑大夫謂之鄆人知此  
卜人是卜邑大夫其邑近 **惠叔猶毀以為請** 魯  
堂阜故見之而告魯君 **惠叔猶毀以為請** 魯  
則惠叔請之至今期年而猶未已毀過喪禮。期居  
其反 **魯** 敖卒至喪禮。正義曰敖卒已向周年猶尚毀  
復應毀故知毀過喪禮也劉炫云敖去年九月卒至  
今年夏據月未匝不得稱期年今知非者杜以傳云

惠叔猶毀據日月之久欲盛言其遠故云期年但首  
尾二年亦得為期年之義劉以未周十二月而規杜  
氏非 **立於朝以待命許之取而殯之** 殯於孟氏之  
也 寢終叔服之言齊人送之書曰齊人歸公孫敖之喪  
為孟氏且國故也 **魯** 為惠叔毀請且國之公族故聽  
其歸殯而書之。偽。為。于。葬視共仲 **魯** 制如慶父皆以  
罪降。音恭 **聲已不視帷堂而哭** **魯** 聲已惠叔母怨敖  
從莒女故帷堂。音紀 **魯** 毀飾故帷堂小斂而徹帷至  
大斂之節又帷堂以至於殯恒帷堂雜記云朝夕哭  
則不帷今聲已恨穆伯故朝夕哭仍帷堂檀弓又云  
帷殯非古自敬姜之哭穆伯始也與此相類也敬姜  
者穆伯妻文伯歎之母也穆伯季悼子之子公甫靖

與教非襄仲欲勿哭怨教取其妻惠伯曰喪親之

終也惠伯叔彭生雖不能始善終可也史佚有言

曰兄弟致美各盡其美義乃繼救乏賀善弔

災祭敬喪哀情雖不同毋絕其愛親之道也子無失

道何怨於人襄仲說帥兄弟以哭之他年其二子來

**國** 敖在莒所生說祭敬至道也正義曰祭敬

敬也喪哀者謂兄弟死喪之事竭其哀也情雖不同

謂內相怨恨情雖不能和同當無絕其愛是相親之

道也孟獻子愛之聞於國獻子穀之子仲叔蔑

或如字下同或譖之曰將殺子獻子以告季文子二

蔑亡結反

子曰夫子以愛我聞我以將殺子聞不亦遠於禮乎

遠禮不如死一人門于句躄一人門于戾丘皆死

句躄戾丘魯邑有寇攻門二子禦之而死遠于萬

七侯反躄又作龜句躄至而死正義曰句躄

莫幸反戾力計反戾丘有寇攻門不書者服虔云

魯國中小寇非異六月辛丑朔日有食之鼓用牲

于社非禮也得常鼓之月而於社用牲為非禮

**國** 得常至非禮正義曰此與莊二十五年經文正

同彼傳云非常此傳云非禮者彼失常鼓之月言鼓

春秋疏 卷十九下 三十一 及古閣

諸侯之禮而用牲為非禮也此乃聖賢之微旨而先儒所未喻也是解二傳不同之意

日有食之天子不舉去盛饌。饌仕眷反。正義曰周禮

膳夫掌王之食飲膳羞以養王及后世子王日一舉鼎十有二物皆有俎天地有災則不舉鄭玄云殺牲

盛饌曰舉今云天子不舉是去盛饌貶膳食也

伐鼓于社責羣陰伐猶擊也。正義曰郊特牲云社祭也

論語云鳴鼓而攻之伐鼓者是攻責之事故云責羣陰也日食者陰侵陽故責陰以救日孔安國尚書傳

云凡日食天子伐鼓于社責上公然則社以上公配食天子伐鼓責羣陰亦以責上公也諸侯用幣于社

請上公亦以請羣陰也互相備也諸侯用幣于社社尊于諸侯故

請救而不敢責之社尊至責之。正義曰昭二

神社稷五祀是尊是奉是社為上公之神尊於諸侯禮用幣者皆是告請神明之事以社尊故用幣請救而不敢攻責也陰侵陽而伐鼓于朝退自責以昭

專神訓民事君天子不舉諸侯用幣所以事神尊

卑異制所以訓民天子至訓民。正義曰天子

畏敬神明乃自貶損徹膳不舉亦是示有等威古之

道也等威威儀之等差。又初宜反。齊人許單

伯請而赦之使來致命以單伯執節不移且畏晉

故許之書曰單伯至自齊貴之也單伯為魯拘執

既免而不廢禮終來致命故既而告廟為于偽反下似為同拘

音俱 ○新城之盟 **國** 在前年蔡人不與 **國** 不會盟 ○與音預

同 晉郤缺以上軍下軍伐蔡 **國** 兼帥二軍曰君弱不

可以怠 **國** 怠解也 ○解佳 戊申入蔡以城下之盟而

還凡勝國曰滅之 **國** 勝國絕其社稷有其土地 ○還音旋

獲大城焉曰入之 **國** 得大都而不有 **國** ○正義曰此

傳已發凡例襄十三年復發傳云用大師曰滅弗地  
曰入再發例者兵之所加不可細舉故舉舊策之典  
以例而言用大師起大眾重力以陷敵因而有之故  
曰勝國通以滅為文也以成師重力雖獲大城得而  
弗有故直以出入為辭曰入之而已城不包 ○秋齊  
地國不通邑滅邑必主大師是故再發例也

人侵我西鄙故季文子告于晉 ○冬十一月晉侯宋

公衛侯蔡侯鄭伯許男曹伯盟于扈尋新城之盟且

謀伐齊也 **國** 齊執王使且數伐魯 ○使所吏反下齊

人賂晉侯故不克而還於是有齊難是以公不會 **國**

明今不序諸侯不以公不會故 ○難乃且 書曰諸侯

盟于扈無能為故也 **國** 惡受其賂不能討齊 ○惡烏

凡諸侯會公不與不書諱君惡也 **國** 謂國無難不會

義事故為惡不書謂不國別序諸侯與而不書後也

**國** 謂後期也今貶諸侯以為公諱故傳發例以明之

○為于 **國** 凡諸至後也 ○正義曰七年公會諸侯晉  
偽反 **國** 大夫盟于扈傳曰公後至故不書所會因

發例云凡會諸侯不書所會後也後至不書其國辟  
不敏也彼乃義事而君後期諱君之惡故總稱諸侯  
此亦總稱諸侯不會非公之罪而經文相似傳辯諸  
嫌故更復發例而以善形惡凡諸侯為義事聚會而  
公不與則不歷書諸國諱君惡也若公實與會而亦  
不書諸國為公後期也即七年扈之盟是也今於此  
會受賂舍罪致使魯有齊患公雖不與非公之罪經  
與後期文同似為公諱故傳發例以明之此魯公雖  
不與非公惡也 ○齊人來歸子叔姬王故也 單伯雖見執

能守節不移終達王命使叔姬得歸 ○齊侯侵我西

鄙謂諸侯不能也 不能討已遂伐曹入其郭討其

來朝也 此年夏朝季文子曰齊侯其不免乎已則

無禮 執王使而伐無罪 而討於有禮者

曰女何故行禮禮以順天天之道也已則反天而又

以討人難以免矣詩曰胡不相畏不畏于天 詩小

雅 ○女音汝相息 曰女至道也 ○正義曰言白者

曰女何故行禮謂責於朝魯也天道以卑承尊人道

以小事大禮者自卑而尊人朝者謙順以行禮行禮

以順天是天之道也 ○詩曰至于天 ○正義曰此詩

上下何以不相畏乎女上下 君子之不虐幼賤畏于

天也在周頌曰畏天之威于時保之 詩周頌言畏

天威于是保福祿不畏于天將何能保以亂取國奉

禮以守猶懼不終多行無禮弗能在矣 為十八年

齊弑商人傳 ○守手  
又反

*[Faint bleed-through text from the reverse side of the page, including characters like '齊弑商人傳' and '守手']*

春秋左傳註疏卷第二十 文十六年 盡十八年

晉杜氏註

唐孔穎達疏

經十有六年春季孫行父會齊侯于陽穀齊侯弗及盟

**及與也**

夏五月公四不視朔 **諸侯** 每月必告朔聽政因朝於

廟今公以疾闕不得視二月三月四月五月朔也春

秋十二公以疾不視朔非一也義無所取故特舉此

以表行事因明公之實有疾非詐齊 **諸侯** 至詐

天子頒朔於諸侯諸侯受而藏之於祖廟每月之朔以特羊告廟受而施行之遂聽治此月之政謂之視朔因以其日又以朝享之禮祭皇考以下謂之朝廟此年公疾自二月至於五月已經四月不得視朔故書公四不視朔傳稱正月及齊平公有疾使季文子會齊侯則正月初疾不得視二月朔至五月而四故知不得視二月三月四月五月朔也春秋十二公二百四十二年計有三千餘月公以疾不視朔當非一也餘皆不書而此獨書者公身有疾不得視朔國事不廢義無所取因此齊侯疑公故特舉此以表行事餘皆從可知也釋例曰魯之羣公以疾不視朔多矣因有事而見一比猶釋不朝正之義是其事也又於時齊侯不信公實有疾書此者且明公實有疾非詐齊也史之所書當書其始不於二月書之而以五月書者二月公始有疾未知來月瘳否不得豫書其數至六月公瘳乃積前數之闕故以五月書四也昭二十三年公如晉至河有疾乃復彼書有疾此不言有疾者在道而還容有他故昭十二年十二年公如

晉至河乃復皆為晉人辭公而還非為疾也故須書有疾以辯之公不視朔信有疾耳無所分辯故不書疾也告朔謂告於祖廟視朔謂聽治月政視朔由公疾而廢其告朔或有司告之不必廢也論語云子貢欲去告朔之餼羊必是廢其禮而羊在蓋從是以後更有不告朔者故欲去其羊耳六年閏月不告月書經以譏之在後若不告朔不復書之者蓋以閏月不告其譏已明故於後不復譏之閏二年吉禘于莊公已譏其速文二年大事于太廟不復譏之當亦如彼之類不重譏也

六月戊辰公子遂及齊侯盟于鄆丘信公疾且以賂

故鄆丘齊地 ○鄆音西 又七西反

秋八月辛未夫人姜氏薨信公夫人文公母也

毀泉臺 泉臺臺名毀壞之也 ○壞音怪



楚人秦人巴人滅庸○巴必麻反

冬十有一月宋人弑其君杵臼○稱君君無道也例在

宣四年○杵昌呂反曰强柳反

傳十六年春王正月及齊平○齊前年再伐魯魯為

受弱故平○為于偽反公有疾使季文子會齊侯于陽穀

請盟齊侯不肯曰請俟君間○間疾瘳○間如字瘳敕周反差也

○夏五月公四不視朔疾也公使襄仲納幣于齊侯

故盟于鄆丘○有蛇自泉宮出入于國如元君之數

**註**伯禽至僖公十七君○伯禽至僖公十七君史記魯世家魯公伯禽子考公酋

弟煬公熙子幽公宰弟魏公費子厲公躍子鄭公具

子順公湏弟武公敖子懿公獻弟孝公稱子惠公弗

皇子隱公息姑弟桓公允子莊公同子閔公開○兄

僖公申十七也魏公世本作微公順公○一作慎公

**註**伯禽至七君○正義曰魯世家魯公伯禽子考公

酋弟煬公熙子幽公圉弟微公潰子厲公擢弟獻公

具子順公湏弟武公敖子懿公戲弟孝公稱子惠公

弗皇子隱公息姑弟桓公允子莊公同子閔公開○兄

僖公申周公不之魯從○秋八月辛未聲姜薨毀泉臺

魯公數之為十七君也

**註**魯公以為蛇妖所出而聲姜薨故壞之○壞音怪

臺○正義曰蛇自宮出而毀其臺則臺在宮內人見

從宮而出毀臺并毀其宮也○魯公至壞之○正

義曰人見蛇出而姜薨以為臺是妖之穴仍謂此處

有妖更將為害毀之所以絕其源安民意也故釋例

義者君人之心一國之俗須此為安故不譏也以不變文知不譏也不書蛇入國者鸛鶴非魯國之有故書其所無蛇是魯地所有姜薨不由此蛇凡物不為災則不書也 ○楚大饑戎伐其

西南至于阜山師于大林又伐其東南至于陽丘以

侵訾枝○戎山夷也大林陽丘訾枝皆楚邑 ○饑音

機訾子○正義曰四夷之名隨方定

斯反○解則曰東夷西戎南蠻北狄其當處立名

則各從方號故北戎病燕齊侯伐山戎北方得有戎

故楚西亦有戎戎是山間之民夷為四方總號故云

戎山庸人帥羣蠻以叛楚○庸今上庸縣屬楚之小

夷也 國麋人率百濮聚於選將伐楚○選楚地百濮夷也

○麋九倫反濮音卜○正義

選息袞反又息戀反○日將欲伐楚聚於此地故知

是楚地也牧誓武王伐紂有庸濮從之孔安國云庸  
濮在江漢之南是濮為西南夷也釋例曰建寧郡南  
有濮夷濮夷無君長總統各以邑落自聚故  
稱百濮也下云各走其邑是無君長統之 於是申

息之北門不啓○申息之北門不啓 ○正

寇比從北來故二○義曰申息北接中國有

邑北門不敢開也 楚人謀徙於阪高○阪

一音扶 焉賈曰不可我能往寇亦能往不如伐庸夫

麋與百濮謂我饑不能師故伐我也若我出師必懼

而歸百濮離居將各走其邑誰暇謀人乃出師旬有

五日百濮乃罷○濮夷無屯聚難則散歸 ○薦于

徒門反聚才佳反又如 自廬以往振廩同食○往

字難乃旦反又如字 卷之二十四 及古

伐庸也振發也廩倉也同食上下無異饌也

廩力於反又

音盧廩力甚反

次于句澁

**國**

楚西界地澁市世反

句古侯反

使廬戰

黎侵庸

**國**

戰黎廬大夫及庸方城

**國**

方城庸地上庸

縣東有方城亭庸人逐之囚于揚窻

窻初江反

三宿而逸曰庸師衆羣蠻聚焉不如復大師

**國**

還復句澁師且起王卒合而後進師叔曰不可

**國**

師叔楚大夫潘虺也

卒子忽反虺鳥黃反

姑又與之遇以驕

之彼驕我怒而後可克先君蚡冒所以服陘隰也

蚡冒楚武王父陘隰地名

可克或作可擊蚡扶粉反冒莫報反史記楚世家

云蚡冒卒弟熊達殺蚡冒子而代立

**國**

蚡冒至地

是為楚武王與杜異陘音刑隰音習

**國**

正義曰

劉炫云按楚世家蚡冒卒弟熊達殺蚡冒子而代立

是為楚武王則蚡冒是兄不得為父今知不然者以

世家之文多有紕繆與經傳異者非是一條杜氏非

不見其文但見而不用耳劉以世家而規杜非也言

服陘隰則陘隰本是他國蚡冒始服之也釋例陘隰

與僖四年次于陘為一地穎川召陵縣南有陘亭楚

自武王始居江漢之間則蚡冒之時未至中

土不應已能越申息服穎川之邑疑非也

遇七遇皆北

**國**

軍走曰北

北如字一音佩

唯裨僚魚人實

逐之

**國**

裨僚魚庸三邑魚魚復縣今巴東永安縣輕

楚故但使三邑人逐之

裨婢支反僚直雷反

庸人曰楚不足

與戰矣遂不設備楚子乘驛會師于臨品

**國**

驛傳車

也臨品地名○驛人實反**國**釋言云驛傳也舍人曰

驛尊者之傳也郭璞曰傳車驛馬之名也分為二隊**國**隊部也兩道攻之

○隊徒對子越自石溪子貝自何以伐庸**國**子越鬪

椒也石溪何入庸道○溪苦兮反本又作谿貝浦蓋反今俗本多作員音云何人慎

反秦人巴人從楚師羣蠻從楚子盟**國**蠻見楚強故

遂滅庸**國**傳言楚有謀臣所以與○宋公子鮑禮於

國人**國**鮑昭公庶弟文公也○鮑步卯反宋饑竭其粟而

貸之年自七十以上無不饋詒也時加羞珍異**國**羞

進也○上時掌反饋其媿反詒以支反又以志反遺也無日不數於六卿之

門**國**數不疏○數音朔註同國之材人無不事也**國**有賢材

者親自桓以下無不恤也**國**桓鮑之曾祖○恤也

正義曰禮於國人總言接待之也竭其粟而貸與國

之飢民也禮與人物曰饋詒遺也饋詒皆是與人物

之名也民年七十以上無有不饋遺以飲食也珍異

謂非常美食羞進也時加進珍異者謂四時初出珍

異之物也無有一日不數數於六卿之門言參請不

絕也國之賢材之人無不事公子皆事之也其族親

自桓公以下子孫無不恤公子皆賑恤之也公子鮑美而豔襄夫人欲通

之**國**鮑適祖母○豔以驗反而不可**國**以禮防閑夫

人助之施昭公無道國人奉公子鮑以因夫人於是

華元為右師**國**華元督曾孫代公子成○施式

元督曾孫○正義曰世本云華督生世子公孫友為

左師華耦為司馬代公子印鱗鱓為司徒蕩意諸

為司城公子朝為司寇代華御事初司

城蕩卒公孫壽辭司城壽蕩之子請使意諸為之

意諸壽之子既而告人曰君無道吾官近懼及焉

禍及已棄官則族無所庇子身之貳也姑紓死焉

姑且也紓緩也○庇必利反又雖亡子猶不亡族

已在故也既夫人將使公田孟諸而殺之公知之

盡以實行蕩意諸曰盍適諸侯公曰不能具大夫至

于君祖母以及國人君祖母諸侯祖母之稱謂襄

夫人○盍戶臘反六年傳蒯贖告周云蒯贖得罪

于君父君母謂母為君母則祖母為君祖母矣故云

君祖母者諸侯祖母之稱也昭公成公之子襄公之

孫故襄夫人諸侯誰納我且既為人君而又為人臣

是其祖母也不如死盡以其寶賜左右以使行行去也夫人使

謂司城去公對曰臣之而逃其難若後君何言無

以事後君○難乃冬十一月甲寅宋昭公將田孟

諸未至夫人王姬使帥甸攻而殺之襄夫人周襄

王妹故稱王姬帥甸郊甸之帥○甸徒之帥○正

義曰周禮載師云以宅田士田賈田任近郊之地以  
官田牛田賞田牧田任遠郊之地以公邑之田任甸  
地以家邑之田任稍地以小都之田任縣地以大都  
之田任疆地凡任地近郊十一遠郊二十而三甸稍  
縣都皆無過十二彼從國都而出計遠近節級而別  
為之名鄭玄引司馬法王國百里為郊二百里為州  
甸三百里為野稍四百里為縣五百里為都諸侯之  
與天子竟雖不同亦當近國為郊郊外為甸天子之  
甸為公邑之田則諸侯之甸亦公邑也帥甸者甸地  
之帥當是公邑之大夫也獨言帥甸無以相明故舉  
類言之云郊甸之帥其實正蕩意諸死之不書不  
是甸地之帥非郊地之帥也

告書曰宋人弑其君杵臼君無道也始例發於臣

之罪今稱國人故重明君罪○重直

宣四年傳例曰凡弑君稱君君無道也稱臣臣之罪  
也彼是弑君大例經下註云例在宣四年指彼例也

彼雖在此之後乃是例之初始故謂彼為始例彼因  
歸生弑君而發傳例是始例發於臣之罪也此稱宋  
人弑其君文異於彼故重明君罪謂與彼例為重  
也釋例曰鄭靈宋昭文異而例同重發以同之

公即位使母弟須為司城代意諸華耦卒而使蕩

虺為司馬虺意諸之弟  
○虺况  
鬼反

經十有七年春晉人衛人陳人鄭人伐宋自閔僖以

下終於春秋陳侯常在衛侯上今大夫會在衛下傳  
不言陳公孫寧後至則寧位非上卿故也自閔

正義曰釋例班序譜自隱至莊十四年四十三歲  
衛與陳凡四會衛在陳上莊十五年盡僖十七年三  
十五歲凡八會陳在衛上莊十六年幽盟之下註云  
齊桓始霸楚亦始疆陳侯介於二大國之間而為三

格之官故齊桓因而進之遂班在衛上終於春秋但齊桓升陳於衛上乃在莊之中年不得以莊為始故云自閔僖以下終於春秋陳侯常在衛上也今此大夫會代宋貶之稱人而陳在衛下襄二十六年澶淵之會傳稱宋向戌後至退在鄭良霄之下此傳具歷序大夫之名不言公孫寧以後至被退成三年傳曰次國之上卿當大國之中中當其下下當其上大夫彼言大夫位有尊卑次序以之升降則公孫寧位非上卿故降在衛下也檢春秋上下亦有後至無傳而杜云後至者則秦小子憇是也案彼則公孫寧未必非後至但杜弘通兩解故云非上卿耳

### 夏四月癸亥葬我小君聲姜

齊侯伐我西鄙

**西**

西當為北蓋經誤

**北** ○西當為

**北**

當為

北蓋經誤。正義曰經言西鄙傳言北鄙服虔以為再來伐魯西鄙書北鄙不書諱仍見伐按經十五年

秋齊人侵我西鄙冬齊侯侵我西鄙僖二十六年春齊人侵我西鄙夏齊人伐我北鄙皆仍見侵伐書而不諱此何獨諱而不書凡言諱者諱國惡也齊侯無道而伐我我非有惡而可諱何以諱其仍伐故知正是一事經文誤耳知非傳誤者魯求與平即盟于穀穀是濟北穀城縣也穀在魯北知北鄙是也

### 月癸未公及齊侯盟于穀

諸侯會于扈

**昭**

昭公雖以無道見弑而文公猶宜以弑

君受討故林父伐宋以失所稱人晉侯平宋以無功不序明君雖不君臣不可不臣所以督大教。弑本或作殺

音試。昭公至大教。正義曰弑君稱君君之罪下同。者欲以懲創人君使為鑒戒不書弑者之名以見君亦合死其君雖則合死要非臣所得弑故文公宜以弑君受討林父稱人諸侯不序責死者罪弑

者所以督大教大教  
謂尊君卑臣之教也

秋公至自穀無傳

冬公子遂如齊

傳十七年春晉荀林父衛孔達陳公孫寧鄭石楚伐

宋討曰何故弑君猶立文公而還卿不書失其所也

**○**卿不書謂稱人○夏四月癸亥葬聲姜有齊難是

以緩難乃且反過五月之例○齊侯伐我北鄙

襄仲請盟六月盟于穀晉不能救魯故請服○晉

侯蒐于黃父一名黑壤晉地遂復合諸

侯于扈平宋也傳不列諸國而言復合則如上十

五年會扈之諸侯可知也○復扶又公不與會齊難

故也書曰諸侯無功也刺欲平宋而復不能與

於是晉侯不見鄭伯以為貳於楚也鄭子家使執訊

而與之書以告趙宣子執訊通訊問之官為書與

宣子○訊使執訊而與之書○正義曰使執訊使

音信之行適晉也與之書與此執訊書令特

以告宣子曰寡君即位三年魯文二年召蔡侯而與之

事君九月蔡侯入于敝邑以行行朝晉也敝邑以

侯宣多之難寡君是以不得與蔡侯偕宣多既立



穆公恃寵專權音皆十一月克減侯宣多而隨蔡侯

以朝于執事音急十二年六月歸生佐寡君之嫡夷音皆歸生子家

名夷大子名音急以請陳侯于楚而朝諸君音急請

陳于楚與俱朝晉十四年七月寡君又朝以歲陳事

**國**歲救也救成前好呼報反一本作事**國**歲救也

歲之為救無正訓也先儒相傳為然賈服皆云歲救也十五年五月陳侯自敝

邑往朝于君往年正月燭之武往朝夷也將夷往

晉朝八月寡君又往朝以陳蔡之密邇於楚而不敢

貳焉則敝邑之故也密邇比近也雖敝邑

之事君何以不免免免罪也在位之中一朝于襄

**國**襄公朝直而再見于君君靈公也**國**

一朝至于君正義曰鄭穆公以僖三十三年即位

見于君十四年七月往年八月也或者十四年七月

寡君又朝救成陳事再見于君謂往年正月燭之武

往朝夷八月寡夷與孤之二三臣相及於絳孤之二

二三臣謂燭之武歸生自謂也絳晉國都孤之二

正義曰禮諸侯與臣民言自謂寡人小國之君自稱

曰孤臣與他國之人言稱已君為寡君此歸生對晉

稱已君當云寡君之二三臣札瘥天昏是其事也此言孤者蓋

云寡君之二三臣札瘥天昏是其事也此言孤者蓋

及古閣

鄭伯身自對晉或自稱孤雖我小國則蔑以過之矣

歸生因即以孤言其君也

今大國曰爾未逞吾志敝邑有亡無以加焉古人有

言曰畏首畏尾身其餘幾

畏者少幾居又曰鹿死不擇音音所音所

古字聲同皆相假借音所至假借

云庇蔭蔭也舍人曰庇蔽也蔭依止也郭璞曰釋言

呼樹蔭為蔭杜意言本當作蔭古字聲同皆相假借

故傳作音言鹿死不擇庇蔭之處喻已不擇所從之

國欲從楚也服虔云鹿得美草呦呦相呼至於困迫

將死不暇復擇善音急之至也劉炫從服說以為音

聲謂不擇音聲而出之而難杜今知不然者以傳云

銳而走險急何能擇言走險論其依止之處以其怖

急得險則停不能選擇寬靜蔭之所傳文所論止

言其出處所在不論音聲好惡故杜

不依服義劉以為音聲而規杜非也

也德則其人也以德加已則以人道相事不德則

其鹿也銳而走險急何能擇銳銳疾走貌言急則欲

蔭庇於楚如鹿赴險銳又悲位反本或作蔭銳銳

貌正義曰銳文命之罔極亦知亡矣言言晉命無

連走故為疾走貌

極將悉敝賦以待於儵唯執事命之儵儵晉鄭之竟

言欲以兵距晉儵直留文公二年六月壬申朝于

齊鄭文二年六月壬申魯莊二十三年六月二十四日四年二月壬戌為齊侵蔡魯莊二十五年二

月無壬戌壬戌三月二十日○為于亦獲成於楚國

鄭與楚成居大國之間而從於強令豈其罪也國令

號令也大國若弗圖無所逃命晉鞏朔行成於鄭趙

穿公壻池為質焉國趙穿卿也公壻池晉侯女壻鞏

九勇反質音致下同○秋周甘馱敗戎于邠垂乘其飲酒也國

馱周大夫邠垂周地河南新城縣北有垂亭為成元

年晉侯平戎于王張本○馱昌欲反邠於審反○冬十月鄭大

子夷石楚為質于晉國夷靈公也石楚鄭大夫○襄

仲如齊拜穀之盟復曰臣聞齊人將食魯之麥以臣

觀之將不能齊君之語偷臧文仲有言曰民主偷必

死國偷猶苟且○偷他侯反

經十有八年春王二月丁丑公薨于臺下

秦伯罃卒國無傳未同盟而赴以名○罃於耕反

夏五月戊戌齊人弑其君商人國不稱盜罪商人國不

稱盜罪商人○正義曰弑君稱臣臣之罪賤臣弑君則稱盜哀四年盜殺蔡侯申是也盜字當臣名之處以賤不得書名變文謂之盜耳此弑商人者邠馱閻職亦應書盜不稱盜弑者罪商人今從弑君稱君之

也例

六月癸酉葬我君文公

春秋左傳卷之二十四  
秋公子遂叔孫得臣如齊書二卿以兩事行非相為

介音界使不書介僖二十六年公子遂滅孫辰如楚乞師書遂不書辰是其正也襄十四年季孫宿叔老竝書之者晉人敬之自爾以後晉人輕魯幣而益敬其使故特兩書之於法不應書也此傳稱惠公立故且拜葬是以兩事行非相為介故竝書之耳定六年季孫斯仲孫何忌如晉傳稱桓子獻鄭俘孟孫報夫人之幣亦以兩事行故竝書之但彼非是同時受命經應各自為文但以晉人輕之故不各自別書與此意少異也

冬十月子卒先君既葬不稱君者魯人諱弒以未成

君書之子在喪之稱弒申志反本又作殺之稱人證反先君至

義曰齊公子商人弒其君舍以先君既葬故稱君也此亦先君既葬不稱君者魯人諱弒成君以未成君

書之也子者葬前在喪之稱也若言猶在喪而自卒然諱之也釋例曰公子惡魯之正適嗣位免喪則魯君也襄仲舒倚齊而弒之國以為諱故不稱君若言君之子也

夫人姜氏歸于齊

季孫行父如齊無傳

莒弒其君庶其稱君君無道也

商臣弒君言世子此傳稱大子僕因國人以弒紀公不稱世子而稱臣者以見君無道傳言多行無禮於國是其無道之狀十六年宋人弒其君杵臼稱國又稱人此直云莒弒其君庶其不稱人者釋例曰劉賈許穎以為君惡及國朝則稱國以弒君惡及國人則稱人以弒按傳鄭靈宋昭經文異而例同故重發以同之子弒其父又嫌異於他臣亦重明其不異既不碎辯國之與人而傳云莒紀公多行無禮於國大子

僕因國人以弑之經但稱國不稱人知國之與人雖言別而事同也

傳十八年春齊侯戒師期國將以伐魯而有疾醫曰

不及秋將死公聞之卜曰尚無及期國尚庶幾也欲

令先師期死國○令力呈反先國惠伯令龜國以下事告

龜國視高命龜鄭玄云命龜告龜以所卜之事士喪

禮卜葬命龜云哀子某來日某卜葬其父某甫考降

無有近悔如此之類是令龜之辭也令者告令使知

其意與命同也卜楚丘占之曰齊侯不及期非疾也君亦不

聞國言君先齊侯終令龜有咎國言令龜者亦有凶

咎見於卜兆為惠伯死張本國見賢二月丁丑公薨

○齊懿公之為公子也與邴歆之父爭田弗勝及即

位乃掘而刖之國斷其尸足國邴音丙又彼病反歆

月反刖音月又五國而使歆僕國僕御也納閭職之妻

而使職驂乘國驂乘陪乘國繩證反註同○夏五月

公游于申池國齊南城西門名申門齊城無池唯此

門左右有池疑此則是二人浴于池歆以扑扶職國

扑箠也扶擊也欲以相感激國○扑音卜反字宜從手

箠市榮反又之國職怒歆曰人奪女妻而不怒一扶女

庸何傷職曰與刖其父而弗能病者何如國言不以

父別為病恨音汝乃謀弒懿公納諸竹中歸舍爵而

行音汝飲酒訖乃去言齊人惡懿公三人無所畏音舍

置也惡齊人立公子元音舍桓公子惠公○六月葬文

公○秋襄仲莊叔如齊惠公立故且拜葬也音舍襄仲

賀惠公立莊叔謝齊來會葬○文公二妃敬嬴生宣

公敬嬴嬖而私事襄仲宣公長而屬諸襄仲襄仲欲

立之叔仲不可音舍叔仲惠伯音舍嬴音盈嬖必計反仲

見于齊侯而請之齊侯新立而欲親魯許之音舍見賢

襄仲至許之正義曰惡是齊甥齊侯許廢惡者惡以世適嗣立不受齊恩宣以非分得國苟恩必

厚齊侯新立欲親○冬十月仲殺惡及視而立宣公

辱為援故許之也仲以君命召惠伯音舍詐以子惡命音舍詐至惡命

因殺惡之下即云而立宣公其實宣公之立當在惠伯死後惡雖已死未告外人故詐以子惡之命召惠

伯使人公冉務人疑其宮內有變謂非子惡之命故云入必死耳亦未是審知惡已死也其宰公

冉務人止之曰人必死叔仲曰死君命可也公冉務

人曰若君命可死非君命何聽弗聽乃入殺而埋之

馬矢之中音舍惠伯死不書者史畏襄仲不敢書殺惠

伯音舍聽吐公冉務人奉其帑以奔蔡既而復叔仲氏

伯定反及古

**不絕其後** ○夫人姜氏歸于齊大歸也 **惡視之**

母出姜也嫌與有罪出者異故復發傳 ○復扶又反 將行

哭而過市曰天乎仲為不道殺適立庶市人皆哭魯

人謂之哀姜 **所謂出姜不允於魯** ○過古禾反又古臥反適丁歷

反 ○莒紀公生大子僕又生季佗愛季佗而黜僕且

多行無禮於國 **紀號也莒夷無諡故有別號** ○佗徒何

反 僕因國人以弑紀公以其寶玉來奔納諸宣公公

命與之邑曰今日必授季文子使司寇出諸竟曰今

日必達 **未見公而文子出之故來不書** ○竟音境 公問

其故季文子使大史克對曰先大夫臧文仲教行父

事君之禮行父奉以周旋弗敢失隊曰見有禮於其

君者事之如孝子之養父母也見無禮於其君者誅

之如鷹鷂之逐鳥雀也先君周公制周禮曰則以觀

**德** 則法也合法則為吉德 ○大史音泰隊直類反養餘亮反鷹於陵反鷂

之然反說文止仙 **如鷹鷂之逐鳥雀** ○正義曰釋

反字林已仙反 **鳥云鷹來鳩郭璞曰來當為爽**

字之誤耳左傳作爽鳩是也又云晨風鷂舍 **德以處**

人曰晨風名鷂鷂鷂鷂名郭璞曰鷂屬也 **事** 處猶制也事以度功 ○度待洛反 功

**以食民** 食養也 ○食音嗣註同 作誓命曰毀則為賊 **誓**

要信也毀則壞法也音怪掩賊為藏音怪掩匿也音怪女乙

反竊賄為盜音怪賄財也盜器為姦音怪器國用也主藏

之名音怪以掩賊為名賴姦之用音怪用姦器也為大凶

德有常無赦音怪刑有常在九刑不忘音怪誓命以下皆

九刑之書九刑之書今亡音怪先君至不忘音怪正義曰

謂制禮之時有此語為此誓耳此非周禮之文亦無

誓命之書在後作九刑者記其誓命之言著於九刑

之書耳德者得也自得於心心心之所得有惡有善欲

知善惡以法觀之合法則為吉德不合法則為凶德

故曰則以觀德也既有善德乃能制斷事宜故曰德

以處事也既為其事務求成功度量功勳必功成乃

善故曰事以度功也民不自治立君牧養作事成功

所以養食下民故曰功以食民也其意言在上位者

必有法則乃為養民之主將言莒僕無可法則故言

此以張本也又作要信誓命以戒後人曰有人毀法

則者是為賊言其賊敗法也掩匿賊人是為藏言其

藏罪人也竊人財賄謂之為盜盜人器用謂之為姦

主為藏匿罪人之名恃賴姦人所盜之用為極大之

凶德有常刑無赦其事在九刑之書不遺忘也以宣

公容納莒僕為主藏受其寶玉為賴姦故舉此以極

諫也音怪誓命至今亡音怪正義曰昭六年傳曰夏有



刑一也安得謂之八刑行父還觀莒僕莫可則也

杜知其不可故不解之音旋還猶周旋音旋孝敬忠信為吉德盜賊藏姦為凶德

夫莒僕則其孝敬則弒君父矣則其忠信則竊寶玉

矣其人則盜賊也其器則姦兆也音兆兆域也保而利

之則主藏也以訓則昏民無則焉不度於善音度度居

也而皆在於凶德是以去之昔高陽氏有才子八人

**音**高陽帝顓頊之號八人其苗裔音○去起莒反顓音

制音高陽氏至苗裔音○正義曰先儒舊說及譙周

反音考史皆以顓頊帝譽為帝之身號高陽高辛皆

國氏土地之號高陽次少昊高辛次高陽堯承高辛

之後孔子之錄尚書自堯為始史籍之說皇帝其言

不經大戴禮五帝德司馬遷五帝紀皆言顓頊帝譽

代別一人春秋緯命歷序顓頊傳九世帝譽傳八世

典籍散亡無以取信要二帝子孫至舜時始用必非

帝之親子其八人者不能知其出生本系枝派遠近

故畧言其音蒼舒隤鼓檮戲大臨危降庭堅仲容叔達

苗裔耳音此即垂益禹臯陶之倫庭堅即臯陶字音○隤徒回

反一音五回反韋昭音瑰檮直由反韋昭音檮戲以

善反漢書作戴韋昭以震反危莫江反降下江反陶

音音此即至陶字○正義曰司馬遷采帝系世本

遙音以為史記其夏本紀稱禹是顓頊之後秦本紀

稱臯陶是顓頊之後伯益則臯陶之子垂之所出史

無其文舊說相傳亦出顓頊故云此即垂益禹臯陶

之倫也服虔云八人禹垂之屬也六年傳臧文仲聞

次雖知禹益必在八愷稷契必在八元不能識知其  
人不得自相分配故八元八愷與臯陶禹稷並不出  
其名亦為不知故也鄭玄註論語云臯陶為士師號  
曰庭堅杜云庭堅臯陶字者古人名之與字難得審  
知言字者明也齊聖廣淵明允篤誠天下之民謂之八  
其是一人也

**愷**齊中也淵深也允信也篤厚也愷和也  
○愷開在反

**聖**齊聖至八愷○正義曰此并序八人總言其德或  
原其心或據其行一字為一事其義亦更相通齊  
者中也率心由道舉措皆中也聖者通也博達眾務  
庶事盡通也廣者寬也器宇宏大度量寬弘也淵者  
深也知能周備思慮深遠也明者達也曉解事務照  
見幽微也允者信也終始不愆言行相副也篤者厚  
也志性良謹交游款密也誠者實也秉心純直布行  
貞實也以其德行如是天下之民為其美目謂之八  
愷愷和也言其和於物也孟子曰伊尹聖人之和者  
也○**聖**齊中至和也○正義曰齊中釋言文允信篤

厚釋註文愷訓為樂樂亦和也  
也深水謂之淵故淵為深也

高辛帝嚳之號八人亦其苗裔  
○嚳苦毒反伯奮仲堪叔  
獻季仲伯虎仲熊叔豹季狸

此即稷契朱虎熊羆

之倫  
○奮甫問反熊音雄狸力之反契息列

之倫○正義曰契後為殷稷後為周史記殷周皆為  
帝嚳之後也此言伯虎仲熊尚書有朱虎熊羆二者  
其字相類知此即稷契朱虎熊羆之倫也尚書更有  
夔龍之徒亦應有在元愷之內者但更無明證名字  
又殊不知與誰為可故不復言之史記稷契皆為帝  
嚳之子而上句註云其苗裔者史記堯亦帝嚳之子  
則稷契堯之親弟以堯之聖有大德之弟久而不知  
舜始舉用以情而測理必不然且云世濟其美其闕  
必應累世不容高辛之下即至其身馬遷傳聞於人  
未必盡得其實世族譜取史記之說又從而譏之云

按蘇則舜之五世從祖父也而及舜共為堯臣堯則舜之三從高祖而妻其女此史記之疑者然則以其不可悉信故言 **忠肅共懿宣慈惠和天下之民謂之**

**八元** 肅敬也懿美也宣徧也元善也

音遍 肅至八

元。正義曰此亦總言其德於義亦得相通忠者與人無隱盡心奉上也肅者敬也應機敏達臨事恪勤也共者治身克謹當官理治也懿者美也保已精粹立行純厚也宣者徧也應受多方知思周徧也慈者愛出於心恩被於物也惠者性多哀矜好拯窮匱也和者體度寬簡物無乖爭也以其德行如是天下之民為其美目謂之八元元善也言其善於事也論語曰善人為邦百年亦可以勝殘去殺矣。 **肅敬至善也**。正義曰肅敬釋訓文懿美釋詁文 **此十六族** 宣徧釋言文易文言曰元者善之長也

**也世濟其美不隕其名**

**濟成也隕隊也**

隕于敏反隊直類

反

**族**

此十六至其名。正義曰此十六人耳而謂之族者以其各有親屬故稱族也世濟其美後世

承前世之美不隕其名不隊前世之美名言其世有賢人積善而至其身也劉炫云各有大功皆賜氏族故稱 **以至於堯堯不能舉舜臣堯舉八愷使主后土**

**族**

后土地官禹作司空平水土即土地之官

**族**

土至

之官。正義曰后訓君也天稱皇天故地稱后土舜典云伯禹作司空呂刑云禹平水土則禹是土地之官故云主 **以揆百事莫不時序地平天成** **揆度也**

成亦平也

揆葵

**族**

以揆至天成。正義曰用禹為

事無不揆度於是皆有次序得地平其化天成其施言有成功也。 **揆度至平也**。正義曰揆度釋言文度百事者令之豫自籌度為之數量法制事成則平其可否使之總眾務也地平天成大禹謨之文孔

安國云水土治曰平五行敘曰成釋舉八元使布五

教于四方契作司徒五教在寬故知契在八元之

中契斯契作至之中正義曰舜典云帝曰

五教在寬尚書契敷五教此云舉八元使布五教以

八愷使主后土以此亦知禹在八愷中也但不知八

五教是事之大者故舉以為言非是各令八人共主

為之尚書稱益佐禹父義母慈兄友弟共子孝內平

外成內諸夏外夷狄雅反父義至外成正

母兄弟子尊卑有五品父不義母不慈兄不友弟不

共子不孝是五品不遜順也故使契為司徒布五教

於四方教父以義教母以慈教兄以友教弟以共教  
子以孝是之謂五教此五教可常行又謂之五典也  
諸夏夷狄皆從其教是為內平外成所  
云五典克從即此內平外成之謂也  
管帝鴻氏有

不才子帝鴻黃帝掩義隱賊好行凶德醜類惡物

頑嚚不友是與比周醜亦惡也比近也周密也

呼報反嚚魚中反心不則德義之經為  
頑口不道忠信之言為嚚比毗志反  
天下之民謂

之渾敦謂驩兜渾敦不開通之貌徒本反驩呼端

反兜都掩義至渾敦正義曰掩蓋義事而不行

穢惡之物心頑而不則德義之經口嚚而不道忠信

之言如此惡人不可與之親友者此不才子於是與  
之相附近相親密言惡人所愛愛同已者也以弋為  
惡如是故天下之民為之惡目謂之渾敦渾敦不開

通之貌言其無所知也服虔用山海經以為驩兜人面馬喙渾敦亦為獸名。醜亦至密也。正義曰醜亦惡也物亦類也指謂惡人等輩重復而言之耳比是相近也周是親密也唯是親愛之義非為善惡之名論語云君子周而不比小人比而不周以君子小人相對故鄭玄云忠信為周阿黨為比觀文為說也。謂驩至之貌。正義曰此傳所言說虞書之事彼云四罪為共工驩兜三苗鯀也此傳四凶乃謂之渾敦窮奇檮杌饕餮檢其事以識其人堯典帝言共工之行云靖言庸違傳說窮奇之惡。靖諧庸回二文正同知窮奇是共工也堯典帝求賢人驩兜舉共工應帝是與共工相比傳說渾敦之惡云醜類惡物是與比周知渾敦是驩兜也堯典帝言鯀行云弗哉方命圯族傳說檮杌之罪云告頑舍嚚傲狠明德即是弗戾圯族之狀且鯀是顛頊之後知檮杌是鯀也尚書無三苗罪狀既甄去三凶自然饕餮是三苗矣先儒盡然蓋無異說皆以行狀驗而知之也莊子稱南方之神其名為儵北方之神其名為忽中央之

神其名為混沌混沌無七竅儵忽為鑿之一日為一竅七日而混沌死混沌與渾敦字之異耳莊子雖則寓言要以無竅為混沌是渾敦為不開通之貌此四凶者渾敦檮杌以狀貌為之名窮奇饕餮以義理為之名古人之意自異耳服虔案神異經云檮杌狀似虎毫長二尺人面虎足猪牙尾長丈八尺能鬪不退饕餮獸名身如牛人面目在腋下食人。少皞氏有不才子。少皞金天氏之號次黃帝。少皞胡老反註。少皞至黃帝。少皞身號譙周云金天氏能修大皞之法故曰少皞也其次黃帝則昭十七年傳有其事。忠崇飾惡言靖諧庸回服讒蒐慝以誣盛德。崇聚也靖安也庸用也回邪也服行也蒐慝也慝惡也盛德賢人也。蒐所畱反慝他。毀信至盛德。正義得反邪似差反。曰毀信者謂信不足。

行毀壞之也廢忠者謂忠為無益廢棄之也以惡言為善尊崇修飾之安於讒譖信用回邪常行讒疾陰隱為惡以誣罔盛德之賢人也天下之民謂之窮奇言其行窮困所好奇異也○崇聚至人也○正義曰釋詁云崇克也舍人曰威大充盛大亦集聚之義故崇為聚也庸用靖安回邪慝惡常訓也服從是奉行之義也蒐索隱伏是蒐得為隱也服虔亦以蒐為隱隱慝謂陰隱為惡也成德謂成就之德故為賢人也定本成天下之民謂之窮奇謂共工其行窮其德為盛德

好奇 ○奇其宜反共音恭謂共至好奇○正義行下孟反好呼報反曰孔安國云共工官稱也其人為此官故尚書舉其官也行惡終必窮故云其行窮也好惡言好讒慝是所好奇異於人也

頊有不才子不可教訓不知話言話善也○話戶

告之則頑頑德義不入心舍之則鬻不道忠信舍

音赦傲很明德以亂天常天下之民謂之檇杙檇杙頑凶無儔匹之貌 ○傲五報反很戶墾反檇徒

此三族也世濟其凶增其惡名以至于堯堯不能去方以宣公比堯行父比舜故言堯亦不能去須賢

臣而除之 ○去起呂反宣公不能去莒僕而行父

能去之恐宣公以不去之為恥行父以去之為專史堯方以宣公比堯行父比舜故言堯朝有四凶堯亦不能去須賢臣而除之 ○然則聖主莫過於堯任賢王政所急父專擅之失也

大聖之朝不才總萃雖曰帝其難之且復何其甚也此四凶之人才實中品雖行有不善未有大惡故能仕於聖世致位大官自非聖舜登庸大禹致功則滔天之害未或可平以舜禹之成功見此徒之多罪勳

業既謝愆孽自生為聖所誅其咎益大且虞史欲盛章舜德歸罪惡於前人史克以宣公比堯同四凶於莒僕此等並非下愚未有大惡其為不善唯帝所知尚書將言求舜以見帝之知入此傳安慰宣公故言堯不能去辭各有為情頗增甚學

**縉雲黃帝時官名**  
縉雲至官名○正義曰昭十七年傳稱黃帝以雲名官者當以意達文不可即以爲實

**縉雲黃帝時官名**  
故知縉雲黃帝時官名字書縉赤縉也服虔云夏官為縉雲氏

**貪于飲食冒于貨賄**  
侵欲崇侈不可盈厭聚斂積實不知紀極不分孤寡

**不恤窮匱**  
冒亦貪也盈滿也實財也○厭於豔反匱其媿反

**天下之民以比三凶**  
非帝王子孫故別以比三凶謂之饕餮貪財為饕

**貪食為饕**  
○饕他刀反

**舜臣堯**  
為堯臣○正義曰昭七年傳稱王臣公公臣大夫

**賓于四門**  
關四門達四聰以賓禮

**流四凶族**  
案四凶罪狀而流放

**渾敦窮奇檮杌**  
饕餮投諸四裔以禦螭魅

**也裔遠也放之四遠**  
使當螭魅之災螭魅山林異氣

**衆賢**  
○關婢亦反聰本亦作窻七工反

**賓于四門**  
關四至衆賢○正義曰

**衆賢**  
○正義曰

**衆賢**  
○正義曰

**衆賢**  
○正義曰

**衆賢**  
○正義曰

**衆賢**  
○正義曰

**衆賢**  
○正義曰

**衆賢**  
○正義曰

所生為人害者

禦魚呂反螭敕知反山神獸形魁亡備反說文作魁云老精物也魁或

從未舜投棄至害者○正義曰投者擲去故為棄也

于三危殛鯀于羽山四罪而天下咸服孔安國云幽

州北裔崇山南裔三危西裔羽山東裔在海中是放

之四方之遠處螭魅若欲害人則使此四者當彼螭

魅之災令代善人受害也宣三年傳王孫滿說九鼎

云鑄鼎象物百物而為之備民入川澤山林不逢不

若螭魅罔兩莫能逢之知螭魅是山林異氣所生為

人害也是以堯崩而天下如一同心戴舜以為天子以

其舉十六相去四凶也故虞書數舜之功曰慎徽五

典五典克從無違教也徽美也典常也此八元之

功戴多代反相息亮反下註同曰納于百揆百揆

去起呂反數色主反徽許歸反

時序無廢事也

此八愷之功曰賓于四門四門穆

穆無凶人也

流四凶

故虞至人也○正義曰此

句舜典本文其云無違教也無廢事也無凶人也是

史克解虞書之意也每引一事以一句解之故每事

曰舜有大功二十而為天子舉十六相去四凶也

今行父雖未獲一吉人去一凶矣於舜之功二十之

一也庶幾免於戾乎史克激稱以辨宣公之惑釋

行父之志故其言美惡有過辭蓋事宜也激古

史克至宜也○正義曰宣公貪寶玉而受莛僕為

惑已大行父違君命而逐出之其專已甚故史克激



辭言美則大美言惡則大惡禹則鯀之子也說禹則云世濟其美言鯀則云世濟其凶明也餘亦有大過非其實也蓋事勢宜然耳何休以為孔子云蕩蕩乎堯之為君唯天為大唯堯則之今如左氏堯在位數十年久抑元愷而不能舉養育凶人以為民害而不能去則孔子稱堯虛言也桀紂為惡一世則誅四凶歷數千歲而無誅放易云積不善之家必有餘殃虛言也左氏為短但堯之為君能舉十六相去四凶四凶之人未必世濟其惡但史克欲明行父之志欲辨宣公之惑故美惡過辭具於此註何休之難不足疑也

○宋武氏之族道昭公子將奉司城須以作亂

文公弒昭公故武族欲因其子以作亂司城須文公弟

○宋武氏之族本或作武穆之族十二月宋公殺母弟須及昭公子使戴莊桓之族攻武氏於司馬子

伯之館戴族華樂也莊族公孫師也桓族向魚鱗

蕩也司馬子伯華耦也○向舒亮反遂出武穆之族

族黨於武氏故使公孫師為司城公孫師莊公之

孫公子朝卒使樂呂為司寇以靖國人樂呂戴公

之曾孫為宣三年宋師圍曹傳樂呂戴公會孫

戴公生樂甫術術生碩甫澤澤生夷父須須生大司寇呂今云曾孫誤也



